

ASTELEHENEKO Goienkaria

2007ko azaroaren 26a > Astelehena > III. urtea > 168. zenbakia > Euro 1

www.goiena.net

"Lagunen gorpuak jatea zaila izan zen arren, bestela, hil izango ginatekeen"

Gustavo Zerbino
Hizlaria > 06



G2a

Pirritx eta Porrotx, Eskoriatzan > 23

AHT
Abiadura Handiko Trenaren aurkako ekintzak izan dira > 04

ANTZUOLA
Beasain-Durangoren trazatua alda dezaten eskatu du Udalak > 14

PREFERENTE MAILA
UDAK eta Aloñak irabazi egin zuten, eta Mondrak, galdu > 16

ARETXABAETA > UDALA

Udal plan "irekia" nahi dute

Lau urteotarako udal plana aurkeztu zuten Aralarrek eta EAK > 13

UMEAK > 'KANTARI'

'Kantari', bihartik, GOITBn

Atzo Bergaran egindako saioarekin bukatu dira Kantari karaoke ikuskizuneko zuzeneko saioak.

Hala ere, Kantari-k jarraitu egiten du; izan ere, martitzen eta eguenetan, Oñatin, Eskoriatzan, Arrasaten eta Bergaran grabatu dituzten saioak ikusteko aukera egongo da GOITBn. > 24-26

BERGARA > EUSKARA

Euskarazko produktuen katalogoa

Euskarazko jolas, liburu, filmak... batu ditu Udalak gidan > 11

AURKIBIDEA

Debagoiena > 04-05

Elkarrizketa > 06

Iritzia > 07-08

Herriak > 09-14

Kirola > 15-22

Kultura > 23-28

Sailkatuak > 29

Berri-zakua > 30-31

Azkena > 32



HILDAKOAK Arrasaten, atzo iluntzean, Herriko plazan batu ziren hainbat lagun, sexu-biolentziaz hildako emakumeak gogoratzeko.

JOSETXO ARANZABAL

GIZARTEA > EMAKUMEENGANAKO INDARKERIAREN AURKAKO NAZIOARTEKO EGUNA

Indarkeria sexista gaitzestu zuen ibarrak

EKITALDIAK Elkarretaratzeak eta atzoko egunarekin lotutako ekintzak izan ziren ibarreko herri askotan

ALDARRIKAPENA Berdintasun ezak eragindako indarkeria mota asko daudela esan zuten giza-eragileek

Emakumeenganako Indarkeriaren Aurkako Nazioarteko Egunean, ekitaldiak izan ziren Debagoienan ere, hainbat herritan, guztiak, biolentzia mota hori, bere adierazpen guztietan, gaitzesteko. Ekitaldi jendetsuena Arrasaten izan zen (argazkian); han, sexu-indarkeriak hildako emakumeak izan zituzten gogoa. Euskal Herrian bost hil dituzte, eta adituek diote salaketak gero eta gehiago direla. > 05

BERGARA > JAIA

Patata Azoka arrakastatsua egin zuten bergararrek

Zapatu goizeko euriari eta hotzari aurre eginez, euritakoa edo txamarra hartuta, bergarar asko joan zen San Antonioko plazatorra, I. Patata Feriaz gozatzera. Oso arrakastatsua izan zen jaia; hala, bi lehiaketa jokatu zituzten, eta herriko elkarte gastronomiko eta taberna askok eman zuten

izena; tabernen kasuan, antolatzailleek uste baino gehiago izan zirenez, sari banaketan, berandutu egin zitzaizkien.

Jatekoez bapo gozatu zuten herritarrek, eta erantzuna hain ona izan denez, antolatzailleak, Gure Ametsa elkarteak, berriz egingo duela esan du. > 09

KIROLA > SASKIBALOI

Arrasateko senior mailako mutilek galdu egin zuten

Zortzigarren jardunaldian jakin du Mondragon Unibertsitateak zer den galtzea; Zizur Nagusiko Valsay Ardoiren aurka 76-70 galdu zuen Iñaki Merinok zuzentzen duen taldeak. Aurreikusitako bezala, partidu zaila izan zen zapatukoa; izan ere, Nafarroako taldea, Arrasate-

ko taldearekin batera, goiko postuetan lehian dabil. Zapatuan galdu arren, MUK sailkapeneko lider jarraitzen du; orain arte, partidu bakarra galdu dute arrasatearrek, eta, guztira, 15 puntu dituzte. Datorren astean, Baskoniaren aurka jokatuko dute. > 21

HIZKUNTZA > EUSKARA ELKARTEAK

Hizkuntza zabaltzeko ideian, ibilian euskararen bidean

DEBAGOIENA Zortzi euskara elkarte daude ibarrean; Leintz Gatzagakoa guraso elkartearen barruan dago

HASIERA Euskara elkarteek hizkuntzaren presentzia areagotzea zuten hasierako helburu nagusia

EZI JARDUNALDIAK 'Euskara elkarteak ibilian' izenburupean, jardunaldiak egin zituen Topaguneak egubakoitzean

IRATI AGIRREAZALDEGI > BERGARA

Zapatuan, azaroaren 24an, bete zituen Euskararen Erabilerarako eta Normalizaziorako Legeak 25 urte. Euskalgintzan jardunean-jardunean aurrera egin da mende laurden honetan, eta zeregin horretan, besteak beste, zeresan eta pisu handia izan dute euskara elkarteak. Adinez, pare samarrekoak dira Euskararen Legea eta Arrasateko AED Elkarteak, azken horrek datorren urtean beteko baititu 25 urte. Ibilbide luzea, duda barik, gure ibarrean ere pausoak eman dituen eta emango dituen.

Arrasateko AEDz gain, ibarrean beste zazpi euskara elkarte daude: Aretxabaletako Loramendi, Bergarako Jardun, Antzuolako Idolaz, Elgetako Goibeko, Eskoriatzako Axtroki, Aramaioko Txirritola eta Oñatiko Laixan. Bestalde, Leintz Gatzagan, euskara elkarte Gurel guraso elkartearen barruan dago.

AEDrekin eta Euskararen Legearekin alderatuta, gaztetxogoa da euskara elkarteak batzen dituen federazioa, Topagunea. Aurten bete dira hamar urte sortu zutenetik.

HASIERAN, ERABILERA ARDATZ

Denboraren joanean, gizartearekin batera, euskara elkarteak ere aldatuz joan dira. Hasierako asmoak garai berrietara egokitu dituzte, eta, etorkizunera begira ere, lanean dihardute.

Euskararen erabileran eragitea da elkarten helburu nagusia, eta ibarreko elkarteak ere xede horrekin hasi ziren lanean. "AEDren hasierako asmoa eguneroko bizitzan, gizartearen esparru guztietan, euskararen normalizazioa lortzea zen", esan digu elkartearen Itxaro Artolak. Bergarako Jardun elkartearen Nerea Mendizabal ere bat dator: "Jardunen hasierako helburuak ziren euskara sustatzea, euskararen presentzia areagotzea eta kalean euskara jartzea".

Horretarako, batzuek zein besteek hainbat proiektu eta egitasmo ipini zituzten abian. "Lehenengo neurria izan zen euskaldunak elkartearen inguruan biltzea. Gaur egundik begiratuta, badirudi erraza zela, baina, orduan, lorpen handia izan zen. Gero, bi alorretan egin zen, batik batik, lan: erakundeei begira, orduan euskararen kabinetek deitzen zirenak eratu ziren. Orain, badirudi gaituzten dagoela, baina orduan, udaletan, ez



KULTURA AEDk, Jardunek, Laixanek eta Loramendik Topagunearekin elkarlanean kultura ekintzak antolatuta dituzte. ARTXIBOA



ERABILERA Euskaldun zaharrek berriekin euskara erabiltzeko egitasmoak dituzte abian elkarteek; irteerak, esaterako. ARTXIBOA

zegoen Euskara Zerbitzurik, eta hori aldarrikatu eta lortu zen. Bestalde, lantaldeak jarri ziren martxan, gizartearen esparruak ukitu guran: kultura, sentsibilizazioa, umeak eta gazteak, hedabideak, emakumea eta lan mundua. Horiek izan ziren AEDko hasierako lantaldeak. Gaur egun oraindik badaude AEDren barruan, lan ildo modura edo erakundetuta, AEDtik aparte: Ekin, Txatxilipurdi, Goiena eta Euskalan", azaldu digu Itxaro Artolak.

Jardunek kultura arloko ekimenak landu zituen, batik batik hasieran: ikastaroak, hitzaldiak eta Amodiozko Gutunen Lehiketa; beste jardun garrantzitsua aldizkaria zen.

ERRONKA BERRIAK

Gizartea aldatuz joan ahala, ordea, beste behar batzuk sumatu zituzten, eta lan ildo berriak abian ipini: "Hasieran, euskararen presentzia bermatzea zen helburua, baina, pixkanaka, euskara jakitea eta erabiltzea indartzeko jardunetara pasa ginen. Hortaz, lan ildoak gehitu egin ziren: kulturakoari eutsi egin genion, ume eta gazteena sortu zen eta baita sentsibilizazio alorra ere; aldizkariak, berriz, beste bide bat hartu zuen, Goienan", dio Nerea Mendizabalek.

Hasierako asmoak erabat ez direla bete eta euskara elkarteek horregatik lanean jarraitzen dutela esan digu Itxaro Artolak: "Hasierako nahia zen euskararendako esparruak irabazten joatea, eta horretan dihardugu; proiektuak betetzea lortu da, baina helburu nagusia betetzeko bidean, lanean segi behar dugu".

Bide horretan, lau urtetarako plan bat gertatu dute, eta hainbat erronka zehaztu: "Erronkatariko bat, barrura begira, gure jardueraren auzoetara zabaltzea da. Beste erronka edo nahi bat litzateke bazkideak, eta, oro har, euskaltzaleak trinkotzea, 830 bazkideko gizatalde hori sekulako altxorra delako. Bestalde, erabileraren aldeko kontzientzia zabaltzea ere bada gure lana. Horretarako aukera badagoela uste dugu, eta, pausoz pauso, lortuko dugu. Noski, AEDren 25. urteurrena ospatzea ere epe motzerako daukagun erronken artean jarriko genuke, datorren urteko azaroan izango da-eta".

Nerea Mendizabalek esan digunez, "jakintza maila bermatuta dagoela dirudi, hortaz, era-

"Etorkizuneko erronketariko bat da AEDren jarduera auzoetara zabaltzea"

"Jardun elkarte herrian gero eta presentzia handiago lortzen joan da"

bileran eragin nahi da gehiago. Horretarako, kanpainak egiten dira, eta Berriketaren proiektuarekin ere jendea euskara erabiltzera bultzatu nahi dugu. Jendeak pentsa dezake, euskaraz jakinda, dena egin dagoela, baina oraindik badugu euskara elkarteok zer eginik. Jendeak euskararekiko jarrera baikorra azaltzea nahi dugu. Horretarako, esaterako, Berriketaren proiektuaren barruan, adar berriak sortzea da gure asmoetariko bat, gazteena edo gurasoena, adibidez; baita hika lantzeko egitasmoak ere".

ELKARTEEN LEKUA

Asmoak eta nahiak, bai, baina, AEDko Itxaro Artolaren ustez, nolabait, "erreferentzialtasuna galdu da herrian, militantzia galdu da, baina hori ez da euskara elkartearen arazoa bakarrik, gizarteko eremu guztietan dagoen gaitza baizik".

FERMIN ETXEGOIEN

"Sinonimo bilakatu ditugu euskaraz bizi nahi izatea eta zuzentasun morala"

Fermin Etxegoien kazetari oñatiarrak euskara estetika modura hartuta egin zuen hitzaldia. Euskarari dagokionez, formaren eta fondoaren garrantzia zenbaterainokoa den ipini zuen zalantzan: "Formaren alde egiten dudan arren, hizkuntzaren baitan egon daitekeen fondo existenziala guztiz onargarria zaiz. Norbaitek esaten badu euskara berarentzat erlijio bakarra dela, onartzeko prest nago, eta sinpatiaz hartuko dut, seguruenik, baina praktika hori ez dut eredugarri ikusten".

"Batzuek ez dute euskaraz bizi nahi, baina euskararen alde daudela erakusten dute beti, sinonimo bilakatu ditugulako euskaraz bizi nahi izatea eta zuzentasun morala, zein kontra-koia: euskaraz bizi nahi ez izatea eta okerkeria morala", esan zuen Etxegoienek. Formaz edo plastika linguistikoz jardun zuen, euskara janzkera bat bezala kontsideratzea, alegia.

Nerea Mendizabalen iritzian, "herrian, Bergaran, Jardun elkarte gero eta presentzia handiagoa lortzen joan da. Hasieran ekintza puntualak egiten genituen, baina ekintzak gehituz eta finkatuz joan ahala, elkarte jende gehiagok ezagutzen du, edo hala dirudi. Esaterako, trikiti eskola edo bertso eskola urte guztian barrena egiten dira, eta parte-hartzaile kopurua ere gora joan da".

JARDUNALDIAK

Euskara elkarteak, ibilian-ibilian, badabilta gurean ere. Helburu nagusia erabilera eragitea bada ere, horretarako zer egin, euskaldunak nola motibatu, euskarak balio erantsia non duen, nola komunikatu modu eraginkorren... dira euskalgintzako eragileek etorkizunera begira maiz egiten dituzten galderak. Galderei erantzun asmoz, jardunaldia egin zuen Topaguneak egubakoitzean Miramonen, horrela, besteak beste, euskara elkarteek aurrera begiratzeko eta lan ildo nagusiak zehazteko.

Gureko elkarteetatik ere joan ziren jardunaldietara eta, Itxaro Artolak esan digunez, "jardunaldiko edukiak askotarikoak eta interesgarriak izan dira, eta jasotakoa aprobetxatuko dugu".

Euskara elkartearen orain arteko eskarmentuan oinarrituta, esperientziak elkar trukatzeko erabili zuten jardunaldia: motibazioan eragiteko esperientziak, mintzapraktika egitasmoak, norberaren jarreratik talderako ibilbidea eta hizkuntzaren balio estetikoaz jardun zuten, besteak beste. Ibarreko ordezkariak ere egin zituzten euren berbaldiak.

Gogoetaren ostean, elkarte bakoitzak bere ibilbidean pausok ematen segi beharko du orain, euskarak aurrera egin dezan.

AMAIA ANTERO

"Kontzientzia da konpromisoaren aurreko urratsa, eta landu egin behar da"

Arizmendi ikastolako Amaia Anterok euskararen aldeko motibazioan eragiteko moduak aztertu zituen bere berbaldian. Erantzunak baino gehiago, galderak egin zizkien bertaratutakoak: "Euskaraz ari garela, zer sentitzen dugu euskal hiztun gisa? Zer dakigu eta zer pentsatzen dugu euskararen inguruan? Zein leku betetzen du euskarak gure baitan? Eta guk euskararen baitan? Zein da euskaraz bizitzaren zentzua? Eta batentzat zentzua duenak ba ote du zentzurik besteentzat?"

Euskara zertarako eta zergatik bizi dugun galderari erantzunez, hau esan zuen: "Gure aurrekoek euskarari eutsi badiote, euren egunerokotasunean eta euren izaeraren zokorik ezutuenean ere bizirik zegoelako izan da". Hauxe gaineratu zuen emozioen bidetik motibazioan eragiteaz: "Kontzientzia da konpromisoaren aurreko urratsa, eta ezin dugu egintzat eman; landu egin behar da".

Jasone Mendizabal > Topaguneko zuzendari nagusia

"Egindakoa ondo dago, baina egitekoa askoz gehiago da"

I.A/L.Z. > ARRASATE

Topaguneak, Euskara Elkartearen Federazioak, *Euskal elkarteak ibilian* jardunaldia egin zuen egubakoitzean. Euskara elkarteetako eta euskalgintzako 100 lagun elkartziren jardunaldian. Jasone Mendizabal arrasatearrak, Topaguneko zuzendari nagusiak, eman digu jardunaldiaren berri.

Hamar urte bete ditu aurten Topaguneak. Hasieratik gaur egungo egoerara eman da aurrerapausorik, ezta?

Topaguneak, federazio moduan, bere bidea aurkitu du azken hamar urteotan. Bazkideekiko funtzioa definitu du, eta talde modura ere, asko hazi da: bazkide mordoak dauka gaur egun, 87 elkarte. 1997an eratu bazen ere, 96an, elkarte egiteko bidetara ekin zion Topaguneak sei elkarteterekin. Orduetik, asko hazi da.

Gogoeta egitea zen, besteak beste, jardunaldion helburua.

Horrelako urteurrenak egokiak dira gogoetarako eta hurrengo urteetarako bideak finkatzeko. Euskara elkartearen jarduerak ezagunak dira: tokiko hedabideak lantzea, kultura ekintzak, ume eta gazteen aisialdia, erakundeak euskalduntzeko plangintzak, mintzapraktika programak... Horiek sustatzeko metodologietan, formazioan... egiten dugu lan, eta zerbitzuak antolatzen ditugu, bazkideendako lanak erraztuz. Zenbait datuk erakusten dute 87 elkartearen dimentsioa zenbatekoa den: federatutako elkarteetako langileei Topagunekoak gehituz gero, ia 400 langile gara, eta sektore ekonomiko modura, aintzat hartzeko moduko mugimendua dela deritzogu: 10.000 eurotik gorako aurrekontua kudeatzen da, eta ia 20.000 bazkide gara, denera. Zerbitzugintzan nahiko trebatu gara euskara elkarteak, eta horren adibide da Goiena; ibilbide propioa egin du, eta eskualde osorako antolatuta. Hala ere, gure kezka da egindakoa ondo dagoela, baina egitekoa askoz gehiago dela.

Etorkizunari nola begiratzen diozue?

Ahalegin handia egin dugu jendearendako aukerak sortzen, euskaraz hitz egiteko zerbitzuen bidez. Aisialdiarekin lotutako aukerak dira eraginkorrenak jendea asebetetzeko. Aurrerantzean, aukerak sortu ez ezik, jendearen barruak pizteko, ekintza berriak egin beharko ditugu. Hori guztia motibazioarekin lotzen dugu; ezagutza azken urteotan asko hazi den arren, erabilera ez da maila berean hazi; atzean geratu da. Aukera eta eskubidea egon, bada, go euskaraz jarduteko, baina aukera pertsonala handiagoa da espainolera jotzea. Hemendik aurrera landuko dugu gogo horiek



Jasone Mendizabal, Miramonen, jardunaldietan.


TOPAGUNEA

nola eragin. Jardunaldietan, komunikazioaz eta motibazioaz jardun dugu, eta abiapuntuzat jotzen dugu, etorkizunerako lan ildo berriak finkatzeko.

Besteak beste, gai horiek landu dituzue jardunaldietan.

Zenbait esperientzia eta teknika ezagutu ditugu. Esaterako, Ferran Suay, Kataluniatik ekarritakoa. Bere teoriaren arabera, hizkuntza gutxituetako komunitateetan mendekotasuna gertatzen da harremanetan, eta berehala uzten diogu euskaraz hitz egiteari, urduri sentitzen garela edo ez dakigulako horrelako egoera bati modu erosoan aurre egiten. *Coaching*-a izan daiteke beste metodo bat, kiroletik datorrena eta gurera ere aplikatu daitekeena pertsonen eta erakundearen eraldaketan. Bestalde, motibazio lanean, teknikez gain,

diskurtsoen gaineko azterketa egin du Paula Kasaresek; euskal inguruan zein mezurekin agertzen diren euskalgintzako eragileak, administrazioa, zein kanpain mota dauzkagun eta zein eragin sortzen duten... Azaldu digu ekintza erakargarrien bidez eta mezu positiboak zabalduz lan egin behar dugula. Teknika horiek inguruko euskara elkarteetara iritsiko dira, eta baita guregana ere. Hamar urte eman ditugu lanean, eta beste hamar urterako adina lan badaukagu. Badira ikerketa batzuetan oinarritutako proposamenak, eta hori gurera ekartzeak prestakuntza handia, jendearen dedikazioa eta hori finantzatzeko baliabideak eskatzen ditu. Federazioek, ahal den neurrian, proposamenak ezagutarazi eta baliabideak bilatuko ditugu, elkarteetan modu kualifikatuan integratzeko.



Navarra. Castillos que defendieron el Reino.

La Navarra occidental, la frontera del mar. Alava, Bizkaia, el Duranguesado, Gipuzkoa
609 irudi eta argazkiak

Abenduaren 3tik aurrera salgai

«...izan ginena ezagutzeak izatea dagokiguna esaten digu, gure historiako data zehatz batzuek egungo gure egoeraren nola eta zergatik galderei erantzuten baitiete.»

Inaki Perurena



GIZARTEA > ABIADURA HANDIKO TRENA

AHTren aurkako aste bukaera, agerraldiaren atarian

Arrasaten, Bergaran eta Aretxabaletan ekintzak egin dituzte AHTren aurkako taldeek

Europako Batasunak 118,5 milioi ipiniko ditu AHTrendako, eta Jaurlaritzak iritzi ona agertu du

LEIRE KORTABARRIA > BERGARA

Abiadura Handiko Trenaren aurkako taldeek hainbat ekintza egin zituzten eguenean hasi eta atzora bitartean, beste behin, trenaren aurkako jarrera erakusteko.

Eguenean, Arrasaten, sozialisten egoitzaren aurrean AHTren aurka protesta egin zuten 50 bat lagunek. Protestagileek salatu zuten Ertzaintzak elkarretaratzea begiratu zuela eta ez zietela pankartak ateratzen utzi, aurrez baimena izan arren. Herrizaingo sailak, taldekoek diotena ukatu barik, bakar-bakarrik esan zuen istilu barik amaitu zela elkarretaratzea.

EKINTZAK BI HERRITAN

Giro lasaigoan izan ziren Bergarako eta Aretxabaletako ekitaldiak. Hala, Bergaran, beste gauza batzuen artean, gaztetxean

batzar irekia, bazkari begetarianoa, antzerki emanaldiak... antolatatu zituen Bergarako AHTren aurkako taldeak.

Aretxabaletako AHT Gelditu! elkarlanak ere, aretxabaletarrei begira, AHTren inguruko hitzaldia egin zuen atzo, domeka. Hiru hizlarik beste hainbeste alderditik aztertu zuten Abiadura Handiko Trena: ingurumenean izango duen eragina, batetik; gastu soziala, bestetik; eta herri galdeketa, hirugarrenik. Antolatzaileen esanetan, hitzaldiok antolatzeke arrazoi nagusia "informazio falta" izan zen: "Horrelako proiektu handia, aurrekontu handiarekin, izateko, gizartea ez dago informatuta, eta horregatik, ez dago eztabaidarrik", diote.

Hurrengo ekintza abenduaren 15ean izango da, Arrasaten, nazio agerraldiarekin.



ARETXABALETA Hiru hizlarik beste horrenbeste ikuspuntutik aztertu zuten AHT Aretxabaletan.

JOSETXO ARANZABAL

AHT-RENDAKO 118,5 MILIOI

Eusko Jaurlaritzaren aldetik, Nuria Lopez de Gereñu Garraio sailburuak orain gutxi Europako Batasunak erabakitako dirulaguntzen gainean hitz egin du -erakunde horrek 118,5 milioi euro ematea erabaki du 2007-2013

tartean-, eta iritzi ona agertu du neurri horren inguruan. Sailburuaren esanetan, "Euskal Y-a garrantzitsua Europarendako: batetik, Europako Hego-Mendebaldeko abiadura handiko trena delako; eta, bestetik, balio gehitu handiko muga inguruko leku

baten dagoelako, Penintsula eta Europaren arteko lotunean".

Bestalde, Irungo Ugarte Hondeaketak enpresak AHTn lan egiteari utzi dio, protestengatik. Horren aurrean, Adegipuzkoako Enpresaburuen Elkarteak AHTren aldeko jarrera azaldu du.

POLITIKA > EAE-ANV

Independentistek bat egitea eskatu du EAEk

Estatuko hauteskunde orokorretara, euskal estatuaren aldeko aldarria eramango duela dio EAE-ANVk

L.K. > BERGARA

EAE-ANV taldeak elkarretaratzeak egin zituen joan den aste bukaeran Arrasaten, Bergaran eta Oñatin, *Guk euskal nazioa, independentzia* leloarekin. Elkarretaratzea egin eta gero, aldarria egin zuten, eta horrekiko atxikimenduak batu zituzten.

Aldarria independentziaren eta euskal estatuaren aldeko eskaera da, eta martxoan Estatuko hauteskunde orokorrera berau aurkeztuko dute, Estatuko legebiltzarrerara asmo hori eramateko. Besteak beste, hauxe esaten du aldarriak: "Oso inportantea da hurrengo hauteskundeetan (...) Independentziaren aldekoek



ALDARRIA Agurte Barruso alkateak irakurri zuen aldarria Bergaran. L. KORTABARRIA

eskubide guztiak izatea. EAE-ANV ilegalizatzea edo hauteskundeetan parte hartzeko aukerarik gabe uztea independentzia-

zaleen eskubideak urratzea litza-teke, eta honengatik, independentziaren aldeko apustua egiten dugunok bat egin behar dugu".

GIZARTEA > ELKARTASUNA

Kooperanteek eta Kubako Azukrearen Ministeriokoek hitzaldia egingo dute

Latinoamerikan ibili diren gazteen esperientziak eta Kubako azukre sektorearen krisia izango dira berbagai

L.K. > ARRASATE

Elkartasun arloko hitzaldi bat entzuteko aukera izango da etzi, eguaztena, protagonisten ahotik, Arrasaten, Kulturaten, 18:30ean. Han, batetik, Arrasateko Harreman Hirugarren Munduko Taldearen eskutik, Latinoamerikan kooperante ibili diren zazpi gaztek egingo dute berba, tartean, bost debagoiendarrek: Arrasateko Luis Mariá San Julianek, Oihana Irazuk eta Elixabete Urangak,

Bergarako Eider Iturrospek eta Oñatiko Leire Irizarrek. Latinoamerikako hainbat herrialdetan garapen proiektuetan lagundu dute, eta euren esperientziaren eta garapen bidean dauden herrialde horietako egoeraren berri emango dute. "Egoera hartara gehiago hurbiltzeko balio izango du, izan ere, hango herrixka askok guk emandako laguntza besterik ez dute", diote antolatzaileek.

KUBATARRAK

Mundukideren eskutik, Debagoiengan dauden Kubako Azukrearen Ministerioko lagunek ere hitz egingo dute. Azukre kanaberaren sektorearen krisiaz eta horren hutsunea betetzeko Kuba egiten dabilen ahalginez berba egingo dute. Nekazaritza eta abeltzaintza landu gura dituzte haren ordez.

GIZARTEA > EMAKUMEENGANAKO INDARKERIAREN AURKAKO NAZIOARTEKO EGUNA

Debagoienak ere sexu-biolentzia jasaten duten emakumeak gogoratu zituen atzo

Elkarretaratzeak egin zituzten atzo hainbat herritan, biolentzia mota hori gaitzesten

Legearen hutsuneak eta gizarte eredu patriarkala salatu dituzte, besteak beste

LEIRE KORTABARRIA > BERGARA

Debagoienean ere igarri zen Emakumeenganako Indarkeriaren Aurkako Nazioarteko Eguna, atzo, domeka; izan ere, ekitaldiak izan ziren hainbat herritan.

Arrasaten, Emakumeenganako Indarkerian Kontrako Plataforma dago, eta hark deituta egin zituzten mobilizazioak, *Emakume asko falta dira: erailak izan dira, eta zuri bost axola?* leloarekin. Atzo, domeka, egin zuten ekitaldi nagusia, elkarretaratzea, alegia, 19:00etan, plazan. Aurten, hainbat daturekiko arreta deitu zuten: besteak beste, Espainiako Gobernuak emandako indarkeriaren aurkako legeak dituen hutsuneetaz ohartarazi zuten.

Oñatin, Antzuolan, Aretxabaletan eta Bergaran ere egin zituzten elkarretaratzeak edo egun horrekin lotutako bestelako ekintzak ere.



OÑATI Emakumeen aurkako biolentzia buka dadila eskatu zuten elkarretaratzean atzo, Oñatin.

JOSETXO ARANZABAL

BILGUNE FEMINISTA

Bestalde, Arrasateko Bilgune Feministak ere balorazio bat egin du. Besteak beste, esan zuen "emakumeok maila guztietako erasoak pairatzen" dituztela, ez baka-

rrik tratu txarrak; eta egoera hori "diskriminazio historikoaren eta eskubidegabeziaren" ondorioztat jo zuten, "jendartearen beraren izaera patriarkalarena, hain zuzen". "Emakumeen aurkako

indarkeria emakumea kontrolpean edukitzeko modua izan da beti", diote. Horregatik, "indarkeriaren arazoa estrukturala da eta erantzunak, beraz, integrala izan behar du. Ez ditugu neurri penal

eta asistentzialak bakarrik behar, emakumeon eskubideak eta betebeharrak aldarrikatu behar ditugu". "Bizi duguna denon arazoa dela ikusarazi behar diogu jendar-teari", diote, azkenik.

Maite Barreña > Arrasateko Udaleko Berdintasun teknikaria

"Tratu txarrak jasotzen dituzten emakumeen %25 gazteak dira; gauzak ez dabilta gura adina aldatzen"

G.A./L.K. > ARRASATE

GOITBn elkarrizketatu egin zuten Maite Barreña, Arrasateko Udal Berdintasun teknikaria.

Datuak txarrak dira: gizonek hildako emakumeen kopurua gora doa...

Euskal Herrian, gaur arte, bost emakume hil dituzte, eta salaketak ere etengabe gora doaz.

Espainiako Gobernuak gaineke legea egin eta gero izaten gabiltza igoera hori. Zer gertatzen da?

Legea berandu etorri da. Batzuetan, denbora luzea pasatzen da babes juridial eta politiko neurriak emateko, eta gero, ematen direnean, espero dugu arazoa berehala konpon dezaten. Legeak adostasun handia izan zuen; baina Estatu osorako lege bat dago, eta autonomia erkidego edo herri bakoitzeko egoera desberdina da; hori ez du kontuan hartzen. Oro har, legea, bere momentuan, aurrerapausoa izan zen, baina labor geratu da hainbat esparrutan.



GOIATZ ARANA

Ze gabezia dira, bada, horiek?

Legeak onartzen du biolentzia berdintasun gabeziaren adierazpen gordinena dela, hau da, emakume garelako erasotzen gaitzuztela. Emakume eta gizonen arteko berdintasuna lortzen ez den neurrian, ez da inoiz biolentzia hori amaituko; baina, nahiz eta legeak hori onartu, errekurtso gutxi ematen ditu. Hala, gazteekin ere gertatzen dabil, eta belaunaldi berriekin

ere gertatuko da; itxaron barik jarri behar gara umeein eta gazteekin lan egiten, eta baita komunikabide eta teknologiek.

Oraindik emakume asko ez dira salatzera ausartzen, ezta?

Emakumeen egoerak desberdinak dira, eta bideak ere halakoak izan behar dira; bakoitzari egokitutako erantzuna emateko gaitasuna behar dugu. Hala, batzuek ez dute salatu nahi, eta hori onartu egin behar dugu.

Gero eta emakume gazte gehiagok jasaten dute biolentzia. Hemen ere?

Bai. Emakume horien %25 30 urtetik beherakoak dira. Oso datu larria da, eta erakusten du gauzak ez dabilta gura adina aldatzen. Arrasaten, ahalegin handia egiten gabiltza, eta badakit arloko zinegotziak eta alkateak sentsibilitate handia dute. Baina, askotan, erantzukizun asko daude, eta erakunde aldetik, dirua erabiltzen dutenen aldetik, askotan, motz gelditzen da erantzuna.

LAGUNTZA GIDA

Tratu txarren aurrean laguntzeko gida bat jaits daiteke orain sakelako telefonoan

Gipuzkoako Foru Aldundiak sakelako telefonoan deskargatzeko laguntza gida bat prestatu du, tratu txarren kasuan nola jokatu jakiteko. Bluetooth sistemaren bidez, doan, edo 5195 zenbakira EVA edo EBA testu mezua bidalita jaso daiteke gida hori. Zazpi aukera dituen menu baten inguruan egituratuta dago: *Tratu txarra ematen dizu...; Nora jo; Erasoaren aurrean...; Hartu aurrea; Baliagarri izango zaizu...; Salatzeko baduzu...; eta Telefonoak*. Gida aurkezteko eta doan jaisteko kanpaina hasi du orain Aldundiak, eta Arrasatera ere etorriko da, datorren egubakoitzean, Seber Altuben plazan, 16:00etatik 20:00etara, karpa baten.

LEHIAKETA

BEKEren sariketako irabazlea hautatu dute

Bergarako Emakumeen Kultura Elkartek (BEKE) atzoko egunaren harira antolatutako kartel lehiaketako sariak banatu zituen atzo. Aurtengo irabazlea Eneritz Tirados arrasatearra izan zen; ondoko argazkia da bere kartelarena. 200 euro irabazi ditu Tiradosek. Aipamen berezia egin diote Aratz Losada oñatiarrak egindako kartelari. Orain, lehiaketara aurkeztutako 21 kartelak erakusketan ikus daitezke, Pol-Polen.

emakumeen aurkako indarkeriarik ez!



Kartel irabazlea.

GOIENKARIA

Gustavo Zerbino, beste 29 lagun ez bezala, bizirik irten zen Andeetan orain dela 35 urte gertatu zuten hegazkin istriputik. 'Viven' liburua eta filmak islatu zuten gertakaria eta, besteak beste, hildako lagunak gorpuak jateko erabaki latza hartu zutelako egin ziren ezagun. Orain, esperientzia hura partekatuz, hitzaldiak egiten ditu, eta Arrasaten izango da asteon.

Gustavo Zerbino > Zoritxarraren Kudeaketan aditua eta hizlaria

"Lagunen gorpuak jatea zaila izan arren, bestela elkarri begira hilko ginatkeen"

IRATI AGIRREAZALDEGI > ARRASATE

Gustavo Zerbino uruguaiarra da, eta farmazia espezialitateen ikerketan liderra den laborategi bateko zuzendaria. Gizabidea fundazioak gonbidatuta izango da eguaztanean gurean, eta zoritxarraren kudeaketa izango du hizpide.

Zein da entzuleei helaraziko diezun ideia?

Beharrezkoa dela burua eta bihotza bereizten dituen marra laburtzea. Gizakiok bizi gaitezke gure gorengo indar fisiko, mental eta espiritualarekin, bizi-tzaz gozatuz, pozik, gertatzen zaiguna gertatuta ere. Andeetan gertatutakoa kontatuko dut, garrantzitsuena arazoa aukera bihurtzea dela erakusteko. Andeetan ikasi genuen mina saihestezina dela, gizaki guztiok jasan beharrekoa. Zero azpitik 40 gradutan egotea hotza eta mina izatea zen, baina mina erlatibizatzen genuen. Burua norberaren alde erabiltzeko tresna da horrelakotetan. Sufirimendua ekidin daiteke, norberak hala nahi badu. Baina gizakiok pentsamendua krisira bideratzen dugu, sufirimendua eraginez, biktima sentiaraziz. Jasan genuen egoera fisikoa eta mentala larria izan arren, alperrik ziren aitzakiak, kexak eta negarrak, mendiak bere horretan zirauelako; ohe beroa, jatekoa, familia... galdu genituela onartu genuen. Gure buruari galdetu behar diogu zer eta nola egin behar dugun egoerari buelta emateko, ez gertatu zaigun hori zergatik gertatu zaigun.

Andeetan bizi izandako hark zer erakutsi dizu?

Funtsezkoa dena bigarren mailakotik bereizten. XXI. mendean, oparotasunaren, elikaduraren, teknologiaren eta informazioaren garaian bizi gara, eta gizateriak, oro har, frustrazio, beldur, ezintasun, harrokeria eta atsekabe sentimendua du. Gu abandonatuta geunden, inolako baliabide materialik gabe, baina lortu genuen pozik eta gustura bizirautea, unean unekoa bizi genuelako. Izan zen iraganaren eta ezagutzen ez dugun etorkizunaren artean estututa bizi gara gizakiok. Andeetan, iraganari so eginez gero, galdu genuen hura ikus genezakeen: familia, ohe beroa, janaria...; etorkizunari begiratuz gero, heriotza ikusten genuen. Ez iraganean ezta etorkizunean ere ez zegoen zorientasunik, eta unea bizi behar zen.

Ahultasun uneei nola egin zenieten aurre?

Lehenengo, egoera bera onartuz. Ni neu gaizki nengoen, baina aldamenara begiratu eta laguna ikusten nuen ni baino okerrago, hanka bat moztuta, mugitu ezinda, baina kexatu gabe; beste bat, sabelean burdin bat sartuta, eta okerrago zegoena, besterik ez bazen ere, haiei ura emateko gertu. Erabat ahaztutako baloreak barneratu genituen, eta konturatu ginen aparteko emaitzak lortzeko ezohiko neurriak hartu behar zirela. Esaterako, erabaki genuen hildako gure lagunak gorpuak elikatzea. Erabaki zaila baina, era berean, ausarta izan zen, izan ere, ezer egin gabe, elkarri begira hiltzea zen beste aukera. Gure gorpuak eskaini genituen, baldin eta, hiltzen baginen, erabil zitzaten gainontzekoek. Ez dago gauza handiagorik hil ostean lagun bati laguntzea baino. Gertakari hura maitasun, elkartasun eta eskuzabaltasun istorioa izan zen. Oraindik, urtero gurutzatzen dugu mendilerroa, Adiskidetasun Kopa jokatzeko. Hildako adiskideekin akordatzen gara, eta txiletarrei eskerrak ematen dizkiegu guregatik egin zutenagatik; militarrei, sendagileei, erizainei eta, batik bat, ganadua utzi eta gure bila ibili zen eta aurkitu gintuen unaiari.

Horrelako egoera baten aurrean pertsonok berekoitzago ala solidarioago bihurtzen gara?

Guk bizi izan genuen moduko infernuak sor dezakeen gauza bakarra harmonia da. Mendi 4.800 metrora geunden; gauez, zero azpitik 40 graduko tenperaturak jasan behar genituen, eta egunez, 40-50 gradukoak. Horrelakotetan, gizakia beste dimentsio batera pasatzen da; baina mugak buruan baino ez daude. Ezinezkoa dirudiena lortuko dudala pentsatzen badut eta lortzeko behar den guztia egiten badut, lortu egingo dut.

Beharrezkoa da lider baten irudia horrelako egoeretan?

Andeetakoa talde homogeneoa zen: eskola berean ikasiak, auzo berean bizi izandakoak, erlijio berekoak eta kirol bera egiten genuen. Sekulako kohesioa zegoen, eta horrek konfiantza ematen zigun; aldamenekoa ezaguna zen, eta elkarrenganako errespetua handia zen. Andeetan, lidergoa berez sortzen zen; izotza urtzen zuena, barre egiteko gai



Gustavo Zerbino etzi Goi Eskola Politeknikoan izango da.

THINKING HEADS

IRAKASGAIA

"Izan zen iraganaren eta ezagutzen ez dugun etorkizunaren artean estututa bizi gara gizakiok"

ETSIPENA

"Zerbaitegatik nahigabetu aurretik, dauzkagun gauza onak eskertu behar dira"

zena, medikuntzari buruz apenas jakin gabe lagunak sendatzen zituena, errosarioa errezatzen zuena, minaren gainetik isiltasuna apurtuz txantxa bat egiten zuena... mina gaintzeko zerbaitegiten zuena, hura zen liderra.

Bizitzako egoeren aurrean, etsita sentitzen da jende asko. Zer egin behar lukete?

Modu batean zein bestean, gizaki guztiok zeharkatu behar ditugu gure Andeak egunero: lana galtzea, etxekoren bat hiltzea... Alperrik dira aitzakiak

eguneroko bizimodua albo batera uzteko, gaintitu beharreko desafioak dira, eta erakutsi behar dugu posible dela. Zerbaitegatik nahigabetu aurretik, dauzkagun gauza onak eskertzen ikasi behar dugu, horrek hobeto sentiaraziko baikaitu. Baina bizi garen kontsumo gizartean, falta dugun horri begira bizi gara, txarra den horri bakarrik erreparatuz. Konturatu behar gara porrotetik ere ikas daitekeela, eta emaitza positiboak lor ditzakegula.

Maiz kontatu duzu Andeetako gertakaria. Etxekoei ere modu berean kontatzen diezu?

Sei seme-alaba ditut, 20 urtekoa zaharrena eta urte eta erdikoa gazteena. Ahalegintzen naiz orduko gauzak gogoratzen eta eurekin partekatzen. Oso ondo dakite gertatutakoaren berri. Beharbada, gorpuak jatearena da jendea gehien harritzen duena, baina gogoan dut nola seme batek, sei urte zituela, *Viven* filma lagun batekin ikusi eta esan ziola lagunari, janaririk ez genuenez, lagunari eskatu genizkiela euren giharrak, mendian gora egin ahal izateko. Hasieran gogorra izan zen arren, hori zen bide bakarra, eta egun ere, gauza bera egingo nuke.

Konpara daiteke bizi izandako esperientzia enprekin?

Enpresak giza taldeak diren neurrian, helburuak, printzipioak, baloreak, konpromisoak eta ardurak dauzkate, eta eguneroko bizimoduari egin behar diete aurre. Guk natura aurkitu genuen aurrez aurre, eta egun, gizakiak gizakiaren aurka dihardu, pentsamolde eta filosofia ezberdinekin.

Zer litzateke Gustavo Zerbino Andeetako istripurik ezean?

Andeetara joan ginenok lehengoan itzuli ginen. Pertsonok ez gara aldatzen; barne ezagutza aldatzen da, ikasketa prozesua azkartu egiten da. Zorionez, pertsonok elkarrenganako ezberdinak gara; denok berdina bagina, aspergarria litzateke.

Hemendik aurrera, nola egingo diozu aurre bizitzari?

Egunero eskertzen diot Jainkoari beste egun bat eman izana, eta indarra eskatzen diot egoera gogorrei aurre egiteko eta barruan dudan onena ateratzeko, ingurukoekin partekatzeko. Gizakia naizenez, erratu egiten naiz, badiut akatsak, baina horiek gaintzeko nago bizitza honetan.

oharrak eta deialdiak

ARRASATE

> Abaroaren mahai jokotan parte hartzeko deia

Abaroak jakinarazi duenez, hilaren 29an, eguena, jokatuko diren mahai jokotarako izenematea gaur, bihar eta etzi da, elkartaren bulegoan. Bazkide txartela aurkeztu beharko da.

OÑATI

> Federatu txartelak egiteko eguna

Aloña Mendik jakinarazi du federatu txartela egiteko -baita aurretik eskaria eginda zutenek txartela hartzeko ere- hartzeko eguna bihar, martitzena, dela, 18:00-20:00 ordutegian, taldearen bulegoan.

OÑATI

> 'Elikadura orekatua' delako hitzaldia

Amaia Diaz de Monasterioguren dietistik egingo du, Errekalde Herri Eskolak antolatuta. Hilaren 28an izango da, eguaztena, 18:00etan, ikastetxeko areto nagusian.

BERGARA

> Kilometroak 07ko zozketako zerbakiak

Bono laguntzarekin batera zozketatu zituzten bi egonaldietako saridunak azaldu ez direnez, ordeko zerbakiak berri eman du Aranzadi ikastolako. Zerbakiok dira 2.591 eta 13.455. Sari bakoitza da bi lagunendako egonaldia Getariako Saiasgetaria hotelean.

BERGARA

> Aranzadi ikastolako ikasle ohien afaria

1976. urtean jaiotakoek eta 5. mailan Miren Umerez irakaslearen gelan ibili zirenek azeria egingo dute Sirimirin. Hilaren 24an izango da hori. Izena emateko, deitu 652 71 74 27 zenbakira (Gorka).

ARAMAIO

> KZguneko ikastaroetarako izenematea

Dinamizatzailea gaur, astelehena, egongo da KZgunean, 09:00-11:00 ordutegian. Ikastaroetan izena eman nahi duenak edo kontsultaren bat egin orduan du aukera.

ARRASATE

> Jostailuen Truke Merkatuak jostailuak batzen hasi dira

Abenduaren 15ean eta 16an egingo dute azoka. Ordurako jostailuak batzeko hainbat hitzordu egin dute: 29an eta

30ean, Santa Marinako ludotekan; eta abenduaren 4an eta 5ean, Okenokoan; guztietan, 17:00etatik 19:00etara bitarteko ordutegian.

BERGARA

> Kilometroen gaineko DVDA eskuratzeko eskaria egin daiteke

Eskariak Aranzadi-ko idazkaritzan egin behar dira, abenduaren 1a baino lehen (943 76 90 71). Gero, abenduaren 17tik 21era bitartean banatuko dituzte, eta ordaindu ere, orduan ordaindu beharko dira. Prezioa 12 euro da.

ARRASATE

> Zabalik dago tenis eta igeriketa eskoletan izen emateko epea

Mojategiko tenis pista berrietan izango dira tenis eskolak, 15 urtetik gorakoendako. Astelehena eta eguaztenetan, 16:15ean izango dira eskolak; martitzen eta eguaztenetan, berriz,

17:30ean, 18:30ean eta 19:30ean. Prezioa da 44 euro bazkideendako eta 54 gainerakoendako. Igeriketari dagokionez, bakarkako eskolak izango dira, onuradunak aukeratzen duen ordutegian, betiere, 07:15etik 17:30era bitartean. Hileko prezioa da 31,95 euro, bazkide direnendako, eta 41,95, gainerakoendako.

BERGARA

> Jardun elkarrekin koordinatzailea behar du

Osintxuko Gaztañatan kultura egitarauaren barruan, eta antolatutako azken ekitaldi gisan, Jon Arretxe bidaiari eta idazle ezagunaren emanaldia egongo da hilaren 30ean, egubakitza, Osintxuko ludotekan, 19:00etan. *Amazonia, oihana eta jendea* delako diapositiba emanaldia egingo du.

DEBAGOIENA

> Txikilandian parte hartzeko begiraleak behar ditu Txatxilipurdik

Urtarrilaren 2tik 5era bitartean ospatuko da Txikilandia, Arrasaten, eta harako dei egin du Txatxilipurdi aisialdi elkarrekin. Interesatuek izena eman dezakete abenduaren 10era bitartean, Txatxilipurdiren egoitzan. Curriculum eta argazkia eraman behar dituzte hautagaiek. Ohiko begiraleendako baldintza bakarra, berriz, izena ematea da.

etxeko leihotik



Oihane Agirre > GOITBko programazio zuzendaria

Ikuskizuna etikari gailendu zaio

A tzo izan zen Emakumeenganako Indarkeriaren Kontrako Nazioarteko Eguna eta datuek oilo ipurdia eragiten didate. EAEn egunero hamaika emakume ausartzen dira salaketa jartzera; beste askok, oraindik, indarkeria sufritzen jarraitzen dute. Espainiako Estatuan 69 emakumezko hil dira, tartean Svetlana gazte errusiarra. Telezaborraren adibide garbia da *El Diario de Patricia* saioa. Saio honek oso gai delikatuak azaleratzen ditu, tartean Svetlana gaztearena. Aurrez jakin barik, bere erasotzailearekin elkartu zen telebistako platoon, zuzenean. Horrek berarekin ezkontzeko eskatu zion, belauniko eta eraztun eta guzti. Svetlanak aurre egin zion bigarren aldiz (aurrez salaketa jarrita zeukan) bere erasotzaileari, kameran aurrean ezezkoa emanda. Bost egun geroago, lepoa moztu zion ustez bere erasotzaileak. Saioa bada, zeharka, hilketa honen erantzule. Saioko arduradunei beste profesionaltasun bat exijitu behar zaie. Orain ikuskizunak bakarrik balio du, beste guztiaren gainetik. Telezaborra hor dago, eta hor egongo da, ikusleok horrela nahi badugu. Patricia, nik behintzat ez zaitut ikusiko!

“Telezaborra hor dago eta hor egongo da, ikusleok horrela nahi badugu”

> Tratu txarrak

jasaten dituzten lautik bat atzerritarra da EAEn. Hala ere, paperik gabe dagoen atzerritar asko ez dira salaketa jartzera ausartzen, kanporatu egingo dituzten beldur.

> Sabina Arrasaten bizi da, bakarrik. Lau seme-alaba eta senarra

Bolivian utzi zituen. Miquel Bendeitek eta Otavio Sendoyak dokumental batetan jasoko dute bere bizitza. Laster, GOITBn.

debagoiendarrak kanpoan

Arantxa Uribarri > Oñati

"Gasteiz herri baten modukoa da, baina hiri baten abantailak ditu"

IRATI AGIRREAZALDEGI > OÑATI

Lana zela eta joan zen orain dela 40 urte Gasteizera; baina Oñati ez dauka ahaztuta, ezta bertako senideak eta gaztetako lagunak ere. Hala ere, hiriko bizimodura ohitu da, eta ez litzateke bueltatuko.

Urte asko dira Gasteizera joan zirela, ezta?

Orain bete dira 40 urte: azaroaren 20an etorri nintzen lehenengo; orduan, Tximist lantokia zen oraingo Cegasa, eta lanera etorri nintzen. Hasieran, astelehenetan etortzen nintzen, astea Gasteizen pasa eta Oñatira buelta egubakoitzetan. Aitak ere enpresa berean egiten zuen lan, eta gurasoak Gasteizera etorri ziren bizi izatera, eta bertan geratu ginen. 1973an ezkondu eta hementxe jarraitu dut.

Asko aldatu zen zure bizimodua Oñatitik joan zinenean?

Bai. Une hartan, gogorra izan zen. 20 urte neuzkan, inoiz Oñatitik kanpora irten gabea... Gainera, Gasteiz oso urruti ikusten genuen; ez distantzian, baina ez genuen harako joerarik. Erosketak egitera Donostiara edo Eibarrra errazago joaten ginen.

Aldaketarik nabarmenenak zertan sumatu zenituen?

Giroa guztiz ezberdina zen, ez zen gaur egungo Gasteiz. Etxean, euskaraz ohituta nengoan, eta Gasteizen euskararik nekez entzuten zen. Lehen bi urteetan, hirian ez nintzen askorik integratu; lantegiko jendearekin egoten nintzen, eta gero, egoitza batean bizi nintzen. Gerora, alfabetatzeko talde batean hasi nintzen.



GOIENKARIA

Tximistetik Cegasara

Oñatiko Tximist lantegian hasi zen orain dela 45 urte, eta 40 urte bete ditu berriki Gasteizen, Cegasa taldean.

Gaur egun, zertan diharduzu?

Cegasa taldean dihardut. 40 urte daramatzat Gasteizen, baina, taldean, 45. Cega Logistics-en administrari lanetan nabil.

Oñatirekin harremanik oraindik badaukazu?

Gaztetako lagunekin ez dut harremana eten; urtebetetzeak direla, bazkari edo afariren bat dela... Familiarekin ere, batik bat, senarrarenarekin, gorde dut harremana. Izan ere, nire aldekoak Gasteizera etorri ginen, eta ahizpa ere hemen bizi da.

Sarritan etortzen zara Oñatira?

Joaten naiz, bai. Izugarri gustatzen zait, gainera. Ni han bizi nintzen garaitik, aldatuta dago guztiz, etxe berri asko egin dituzte, baina herri polita da oso.

Bueltatuko zinateke Oñatira?

Bizi izatera, orain, ez. Gasteizen oso gustura nago. Gasteiz herri baten modukoa da, baina hiri baten abantailak, zerbitzuak... ditu, eta lasaia ere bada.

Zerbaiten falta sumatzen duzu?

Ez. Zerbait gertatzen bada, badut komunikazioa bertako jendearekin. Gainera, jaietan, familiako bazkari baten aitzakian... joaten naiz Oñatira. Urte asko pasa direnez herritik joan nintzela, gertatzen zait, batzuetan, jende gaztea ez ezagutzea, baina, gailentzean, bizimodua Gasteizen daukat antolatuta.

Oñatiarrei zer esango zenieke?

Jarraitzeko orain artean bezala, eta herria mantentzeko eta, ahal bada, hobetzeko.

kale inkesta

Zirkulazioko hutsegiteak orain gogorrago zigortuko dituzte; neurri eraginkorrak dira?

Agustín Elortza
Langilea
Oñati

Ez dut uste horrelako neurriak eraginkorrak izango direnik. Isunak areagotu dituzte, puntu-kako baimena ere jarri zuten, baina ez dut uste neurri horiek ezertarako balio dutenik. Kartzela ez da eraginkorra.

Belén Gobeia
Langilea
Oñati

Baliteke neurri berri horiek eraginkorrak izatea. Horretarako, baina, zaintza neurriak ere areagotu egin beharko dituzte. Hala ere, zirkulazio hutsegiteak kartzelarekin zigortzea larregi iruditzen zait.

Oihana Urkia
Langilea
Oñati

Nik uste dut, kasu batzuetan, kartzela zigorra beharrezkoa dela; batez ere, auto gidari baten erruarengatik pertsona bat hil denean. Hala ere, ez dut uste neurri hauek eraginkorrak izango direnik.

Ana Larrea
Langilea
Oñati

Nik uste dut kartzela zigorra larregikoa dela. Beste era batera zigortu beharko liriateke zirkulazio hutsegiteak. Ez dakite nondik jo, eta zigor zorrotzak jarri gura dituzte, baina kartzela ez da irtenbidea.

irakurlearen txokoa

943 25 05 02

goienkaria@goiena.com

ARRASATE

> Garibai itxita dagoela dioten kartelik ez Garibain bertan

Zirkulazio aldaketa asko egin dituzte Arrasate erdialdean. Herri-tar batek hobetzeko zerbait aurkitu du: "Araba etorbideetik Garibairantz autoz joanez gero, Garibai autoendako itxita dagoela dioten kartela ikusiko dugu biribilean. Hala ere, aurrera egin daiteke orain, Arrasate pasealekuan hartzeko; eta baliteke bateren bat konturatu ez izana biribilean debeku seinalea zegoela eta, bidegurutza iritsita, Garibain sartzea. Uste dut ez litzatekeela ezer kostatuko Garibai sarreran bertan ere seinalea jartzea".

OÑATI

> Zakarrontzi berriak behar dira Olakuan

"Aspaldiko kontua da, baina horregatik ez du arreta gutxiago merezi, Garapen Iraunkorren garai honetan: Olakua auzoko zakarrontzi batzuk zaharkituta daude, eta gutxi batzuk, apurtuta ere bai. Badakigu jende askok, zoritzarrez, kale osoa duela zakarrontzi gisan, baina nik eta beste askok, ez; horregatik, ganorazko zakarrontziak behar ditugula uste dut", dio oñatiar batek.

BERGARA

> Hostoak, euria egiten duenean, arriskutsu

Bergarar batek deitu digu, Santa Marinako parroquia inguruan, joan den astean, "hosto pila izugarria" egon zela esaten. "Ez diote inori traba egiten, euririk egiten ez badu; orduan, inor labaindu egin daiteke, hostoa zapalduz gero", ohartarazten du.

ustek uste

Mireia Bikuña

Din, dan, don,
din, dan, don,
Eguberri on!

Hilabete falta da Gabonak iristeko. Bada, aspalditik dago Gabon giroa toki guztietan. Gure etxean, oraindik ez dugu turroirik erosi, turroizaleak ez gara-eta. Edozelan ere, supermerkatuetan, aspalditik dago turroia erosteko aukera. Halako supermerkatu batean lan egiten duen lagun batek esandakoaren arabera, urriaren 12rako, turroi eskaera guztia biltegiaren egoten da; eta azaroaren hasierarako, salgai, supermerkatuetan. Halaber, jostailuek ere toki handia hartzen dute saltokietan.

Turroia oraindik ez dugu probatu, bada, jostailuak ikusten ibili naiz. Nire etxeko txikiek, dagoeneko, idatzi dute Olentzerorendako gutuna, eta oso luzea, gainera. Nik oraindik ez dut nirea idatzi. Eta zuek, zer eskatuko diozue Olentzerori?

zorroztailea



Elena Laka

Printze urdina

"Sentimenduzko heziketari buruzko clown parodia" taularatuko dute gaur (...), Virginia Imazek zuzendu du (...). Pupika eta Puxika pailazo ameslariak dira. Bere "printze urdina" noiz agertuko den itxaroten daude. (...) Hala, hainbat mitoren inguruan hitz egingo dute, ironiarekin".

Berria > 2007-11-25



Hamabost urterekin, erromantizismoak pertsona gogorren eragiten duen garai horretan, "las niñas ya no quieren ser princesas" kantatzen genuen Sabinarekin. Ez naiz ausartzen esaten ordurako printze urdina barne-barneko pentsamenduetatik erabat baztertuta geneukanik. Eta printze urdin bat ondoan izateko esperantza galduta ez genuen arren, argi geneukan ez genuela printzesa izan nahi, bere bizitzaren jabe diren emakumeak baino.

Beste mende batean gaude, garai haietatik geratzen den ia bakarra praka pitilloak dira, eta horiek ere, eraberrituta. Baina umeei ekarri didian jostailu-katalogo dotorean, neskatila guztiak printzesekin dihardute jolasean. Neskatila nerabeei nobioa izateak prestigioa ematen die, eurentariko ama baten esan kezkatuetan. Ondorioa: gizarteko bufoiek ispilu konkaboa ipintzen digutela, printze urdinarena ateratzen da, eta errealitatea desitxuratua islatzen da. Desitxuratua, baina errealitatea.

Errealitatea baita neskek printze urdinaren zain segitzen dihardutela. Planta oneko mutila, orojakile, egoera ororen konpontzaile. Errealitatea da zenbat zalantza eta autoestimua falta sortzen dituen lileratze modua ez topatzeak, nola banatzen den desira mutilentzat, maitasuna neskentzat.

Gure hamabost urteetako praka pitilloak algodoi hutsezkoak ziren; gaur egunekoek, osterera, elastina ere badaukate. Hala eguneratu beharko litzateke printzegai berriei egin beharreko galdera zerrenda: guapoa da? Ondo ematen ditu musuak? Eta, etxeko lanak eta umeen zaintza partekatuko ditu? Nire lanbideari ez dio oztoporik ipiniko? Nire lagunekin irteari eta nire aisia izateari ez dit trabarik jarriko? Ez da saiatuko nire bizitza kontrolatzen? Alegia, elastina piska bat ipiniz gero betiko printze urdinarentzako betebeharreran, harremanak askoz erosoago. Musu bana benetako printze urdinei, maite gaituztelako gure ondoan daudenei, maila berekotzat gauzkatenei. Eta printze urdin bila dabilenarentzako, kontuz paper arrosa hutsa baino ez diren horiekin. Bizitza askoz errazagoa baita erromantizismoak praktizismoan oinak ondo errotuta dauzkanean.

"Errealitatea da neskek printze urdinaren zain segitzen dutela"

"Musu bana maila berekotzat gauzkatzen benetako printze urdinei"

Goienkaria

Argiraratzailera Goiena Komunikazio Zerbitzuak Kooperatiba Elkarteak • Nafarroa etorbidea 2 • 20500 ARRASATE
Lehendakaria Estepan Plazaola Zuzendari nagusia Inazio Arregi

Zuzendaria Eneko Azkarate Erredaktore burua Leire Kortabarria Erredakzioa Mireia Bikuña, Arantza Ezkibel, Irati Agirreazaldegi, Maier Uranga Oinarritzko diseinua Goto Arana Diseinu arduraduna Alex Azkarate Maketazioa Imanol Soriano Publizitate arduraduna Mireia Larralaga Harpidetza eta banaketa Marta Leturia Administrazio arduraduna Agurtzane Gaintzarain

EGOITZA NAGUSIA
BERGARA 20570 Barrenkalea 33 • Tel.: 943 25 05 01/02 • Faxa: 943 25 05 13
Posta-e: goienkaria@goiena.comORDEZKARITZAK
ARRASATE 20500 Oñatiaren Lizentziaduna 31 • 132 posta-kutxa • Tel.: 943 71 25 11 • Faxa: 943 71 23 89
Posta-e: arrasate@goiena.comARETXABALETAK
ARRASATE 20550 Durana 11 • Tel.: 943 79 86 21 • Faxa: 943 77 18 54
Posta-e: aretxabaleta@goiena.comPublizitatea Arrasate 20500 Nafarroa etorbidea 2 • Tel.: 943 79 21 00 • Faxa: 943 79 22 93
Posta-e: publi@goiena.com

Harpidetza Arrasate 20500 Nafarroa etorbidea 2 • Tel.: 943 79 21 00 • Posta-e: harpidetza@goiena.com

Lege Gordailua: SS-0088/04 • ISSN: 1697 3542 • Tirada: 5.000 ale

Gipuzkoako Foru Aldundiak
diruz lagundutako aldizkariaGipuzkoako
Foru AldundiaEUSKO JAURLARITZA
GOBIERNO VASCOKULTURA SAILA
Hizkuntza Politikarako SailburuordetzaEusko Jaurlaritzako Kultura Sailak
diruz lagundutako aldizkaria

Herriak

Arrasate > 10 Bergara > 11 Oñati > 12 Aretxabaleta > 13 Eskoriatza > 13 Antzuola > 14 Aramaio > 14 Elgeta > 14 Leintz Gatzaga > 14



> **ARRASATE**
Bihar zabalduko dute Zerkaosteta kalea, alde zaharreko ordutegi berberarekin > 10



> **OÑATI**
Irisgarritasun planaren bigarren atalak Portu, Bakardadeko Ama eta Moian eragingo du > 12



> **ELGETA**
Bigarren eskuko denetariko gauzen azoka antolatu dute abenduaren 15erako > 14

BERGARA > JAIA

Euria egin arren, jendea pozik ibili zen patata azokan

PINTXO LEHIAKETA Sirimiri tabernak irabazi zuen lehenengo saria zapatuan

RAFAEL GARITANO-ALDAETA Santa Marinako abade izan zenaren omenez egin zuten azoka

MAIER URANGA > BERGARA

Bergarako San Antonio ingurua jendez eta patataz bete zen zapatu goizean, izan ere, On Rafael Garitano-Aldaeta Bergarako abade izandakoaren bigarren mendeurrena dela eta antolatu zuten patata feria. Eguraldiak ez zuen asko lagundu, euria egin zuen goiz guztian zehar, baina jendea, aterkia edo txamarra hartuta, aldarre onean ibili zen.

Goizeko hamar eta erdietan hasi zuten azoka, eta ekintza ugari ospatu zituzten, herritar askoren parte-hartzearekin.

LEHIAKETA GASTRONOMIKOAK

Gure Ametsa elkarteak egin zituzten patata barietateen bi katak, bata 11:30ean, eta ordu bete geroago, bestea. Honetaz gain, bi lehiaketa gastronomiko egin zituzten, patata feria aitzakia hartuta; batetik, patatak saltsa berdean lehiaketa, Bergarako elkartearen artean jokatu zutena. Sei elkarte eman zuten izena eta guztien artean, Lasai Toki elkarteak irabazi zuen; bigarren, Umore Ona, eta San Migelpe hirugarren geratu zen. Pintxo lehiaketa izan zen bestea, herriko tabernek parte hartu zuten, eta esan beharra dago uste baino taberna gehiagok eman zutela izena eta, azkenean, sari banaketa espero baino gehiago luzatu zela. Sirimirik irabazi zuen hau, eta Etxalar eta Ariznoa izan ziren bigarren eta hirugarren.

Erantzun ona eman zuten herritarrek; janaria tartean izaten den gehienetan bezalaxe,

pozik ibili ziren goiz guztian. Artisau eta gastronomia produktuen postuak eta patata barietateen erakusketak ere ikusteko aukera egon zen Bergaran.

Ordu biak aldera jo zuten feria bukatutzat, datorren urtekoan pentsatzen hasita; izan ere, lehenengo feria izateko, antolatu zutenek espero baino hobeto joan zela esan ziguten. Jendeak interesgarria iruditu zitzaieला aitortu zigun.

ON RAFAEL GARITANO

Rafael Garitano-Aldaeta Argantzunen jaio zen, 1736. urtean; gurusoak Bergara eta Soraluze-koak izanda, ibarrera etorri zen abade. Santa Marina Parrokiako abadea izan zen 21 urtez, 1784ko abenduaren 21ean hil zen arte, 48 urte baino ez zituela.

On Rafael aski ezaguna izan zen hainbat ekintzagatik. Kalagorriko elizbarrutiko bikarioen aurka bere abadetza defendatzeko egindako ikerketengatik, edo pulpitutik Espainiako erregearen agindu eta xedapenak ezagutaraztera ukatu zelako, besteak beste. Baina, batez ere, pobrezian bizi ziren bere eliztarrak defendatu zituelako, parrokiaren jabe laikoa zen Oñatiko kondeari aurre eginez, egin zen ezagun abadea. Pobrezia aurre egiteko, patata-ri eta bere kontsumoari buruzko ikerketak eta esperimentuak egin ibiltzen zen. Horren adibideak Euskal Herriaren Adiskideen Elkartearen aktetan daude jasota. Badu lotura, hortaz, patata azokak abade harekin.



PRESTATZEN Elkarreetakoek patatak saltsa berdean prestatu zituzten.


JOSETXO ARANZABAL



JENDEA Eguraldi txarra zegoenez, jatekoen berora jende asko joan zen.

JOSETXO ARANZABAL

PARTE-HARTZAILEAK



Javier
Neiker-eko langilea

Neiker-en, patataz gain, beste laborantza espezie batzuk ere aztertzen ditugu, erremolatxa, edo zerealak, esaterako. Bi egoitza ditugu, bata Derion eta bestea Arkauten, eta 200 langile baino gehiago ari gara hau guztia aztertzen. Hain zuzen, 1933az geroztik ari gara patataren inguruan ikertzen.



Maite
Euskal Txerriak

Bidegoitik etorri naiz. Gizona ibiltzen da normalean, baina garai hauetan, feria asko daudenez, niri ere tokatu eginen zait. Euskal Txerriarekin eginen dugu lan, txorizoa eta saltxitoxia eginen hasi ginen, baina dagoneko urdaiazpikoa eta txerri hankak ere saltzen ditugu. Oso naturala da gure produktua.

HIRIGINTZA > ZERKAOSTETA KALEA

Bihar zabalduko dute Zerkaosteta kalea, alde zaharraren ordutegi berarekin

Astelehenetik zapatara goizez izango da zabalik; martitzen arratsaldean ere zabalduko dute, baina pare bat ordutegi berarekin

UBANE MADERA > ARRASATE

Bihar, martitzena, zabalduko dute Zerkaosteta kalea zirkulaziora, kale hartako obra nagusiak bukatu dituzte-eta. Hori bai, Zerkaostetako zirkulazio arauak ez dira izango orain arteko berak. Hala jakinarazi du Udaleko Obra eta Zerbitzu sailak.

ALDE ZAHARRAREN BARRUAN

Sail horrek adierazitakoaren arabera, Zerkaosteta herriko alde zaharraren barruan kokatu dute; hau da, alde zaharraren zati moduan kontsideratzen dute. Hala, kalea zirkulaziora zabalduko dute alde zaharreko ordutegi berarekin. Horrek esan gura du zabalik egongo dela astelehenetik zapatara, goizez, eta martitzenean, arratsaldean ere zabalduko dute, 18:00etatik 21:00etara. Jai egunetan, berriz, itxita izango da.

BUKATZEKO DAGO

Baina, kalea bihar zabalduko duten arren, Zerkaostetako obrak ez dituzte bukatu; izan ere, Iturbide egoitzaren ondoko pasabidea ez dute lortu garaiz bukatzea.



NORANZKOA Zerkaosteta kalearen noranzkoa aldatu egin dute, eta orain ezingo da Kontzezino kaletik sartu.

U.M.

SALBUESPENA

Zerkaostetako bizilagunek eta garajea dutenendako, salbuespena

Zerkaosteta kalean ezarriko dituzten zirkulazio arau berrietan, salbuespenak izango dira. Hain zuzen ere, Zerkaostetan garajea dutenek eta kale hartako bizilagunek aukera izango dute kale horretara sartzeko gainerako herritarrendako hura itxita dagoenean; hau da, jaiegunetan ere sartu ahal izango

dira, eta aste barruan, arratsaldean, ere bai. Horrekin batera, horiek guztiek aukera izango dute, ere, Kontzezino kaletik sartzeko. Gainerako ibilgailu guztiek, berriz, Maalako Errebala erabili beharko dute Zerkaostetara iristeko, alde zaharreko gainerako kaleetara iristeko moduan.

GIZARTEA > HIRUGARREN ADINA

Etzi, eguaztena, omenaldia egingo diete 90 urtetik gorakoei

Abaroako bazkideei egingo diete omenaldia; 90 lagun inguru daude ekitaldira deituta

U.M. > ARRASATE

Etzi, eguaztena, Abaroan hitzordua egin dute 90 urtekoei eta adin horretatik gorako bazkideei omenaldia egiteko; 12:00etan hasiko da omenaldia, Abaroako bosgarren aretoan.

Urtero egiten dute hitzordu hori Abaroan, baina, aurten, sekula baino jende gehiago dago deituta: "Aurten, 90 bat lagun ditugu zerrendan; iaz, 80 bat izan ziren. Urtetik urtera, kopuruak gora egiten du", adierazi du Jose Rivierek, Abaroako elkartearen presidentea. Omenaldira deitutako lagun horien artean nagusienak 1908an jaioak bi emakume dira; bata, 1908ko abuztuakoa, eta bestea, abenduakoa.



BAZKIDEAK Omenaldia izango da Abaroako bazkideendako; argazkian, elkarteko hainbat erabiltzaile, karta-jokoan.

U.M.

Rivierek adierazitakoaren arabera, oparixko bana emango diete nagusiei. Halaber, azpimarratu du, oparia jasotzeko, beharrezkoa

izango dela bazkide txartela aurkeztea, behar bezala eguneratuta.

Omenaldia jasoko duten pertsona nagusiez gainera, etziko eki-

taldira gonbidatu dituzte, baita ere, Arrasateko Udaleko (Gizarte zerbitzuetako) eta elizako ordezkariak.

> GOBERNU BATZARRA
Kultura eta aisialdi kontu ugari aztergai, gaurko batzarrean

Astelehenero moduan, udal gobernuak gaur batzarra egingo du, 15:00etan. Obra, kultura eta aisialdi kontuak daude aztergaienez zerrendan.

Obrei dagokienez, besteak beste, Santa Barbarako argiteria berritzeko proiektuaren adjudikazioa proposatuko dute, eta Monterron jauregiaren parean, oinezkoendako zebrabide berria egiteko proiektua ere bai.

Kultura eta aisialdi kontueti dagokienez, berriz, Arrasate Herri Eskolako gaztainera festa (azaroaren 30ean), San Frantzisko Xabier jaia (abenduaren 3an) eta, besteak beste, aurtengo Akordeoi Lehiaketak ere izango dituzte berbagai gobernu kideek.

> ELKARTASUNA

Harreman erakundeak esker ona adierazi gura du

Gobernuz kanpoko Harreman erakundeak joan den asteburuan bidezko merkataritzaren kanpaina egin zuen Eroski hipermerkatuan, hain zuzen ere, saltoki horren laguntzarekin. Saltoki berezia ipini eta bidezko merkataritzan oinarritutako produktuak eman zizkieten herritarrei, probatzeko eta erosteko.

Orain, eskerrak eman gura dizkie ekimen horretan parte hartu zuten guztiei -bereziki, Eroskiri, laguntzearen-, eta gogorarazi gura dute, orain, Gabonak datoze-la, oparitzeko produktu mordera daudela Eroski hipermerkatuan ipinita duten ohiko saltokian; "modu horretan elkartasuna ere oparitzen da", diote elkartekoei.

> OSTALARITZA

Pizzeria frankizia bat etorriko da Arrasatera

Pizzamovil kateko frankizia irekiko dute Arrasaten, Leintz ibarrean etxez etxe banaketa zerbitzua ere emango duena. Horrez gainera, jolasparkea ere zabalduko dute pizzerian bertan. Hala konfirmatu diote Goienari negozioa irekiko dutenek, egungo Daglas bideoklubeko ugazabek. Udaberrirako zabaltzea gura dute negozioa eta, frankiziarekin tratua eginda badaukate ere, lokala zein izango den erabakitzeko daukate. Kontzezino kalean edo San Andresen irekiko dute. Etxez etxe banatuko dituzte pizzak Arrasateetik Eskoriatzara bitartean. Autonomia Erkidegoko lehena izango da Arrasatekoa.



FILMAK Babe txerrixoa hirian da katalogoan jasotzen den filmetako bat, 4 urtetik gorakoendako.

GOIENKARIA

HEZKUNTZA > GAZTETXOENDAKO AISIALDIRAKO PRODUKTUAK

Euskarazko produktuen katalogoa kaleratu dute

Gabonen atarian, euskarazko jostailuak, bideoak, liburuak eta abar ezagutaraztea da helburua

EDU MENDIBIL > BERGARA

Azken urteetan egin bezala, euskarazko produktuen katalogoa argitaratu du Bergarako Udalak, beste hainbat udalekin elkarlanean. Jostailuak, jokoak, liburuak, aldizkariak, bideoak, musika, informatika produktuak, film arrakastatsuak eta abar agertzen dira aipatutako katalogoan.

Arduradunen arabera, euskaraz eskolaratzearekin bakarrik ez da ziurtatzen umea euskaldun oso izango denik: "Umearen aisialdia oso inportantea da euskara bereganatzeko, eta gurasoei zera adierazi nahi diegu: aukera handiak daudela umeari euskal heziketa emateko, nahiz eta haiek euskaraz ez jakin", diote.

AISIALDIAN, EUSKARAZ

Gauzak horrela, ume eta gaztetxei aisialdiko euskarazko produktuen eskaintza ezagutzera ematea da helburua, euskarazko produktuen eskaera ugaltzeko, merkatua dinamizatuz eta indartuz.

Katalogoa herriko eskoletan banatuko dute datozen egunotan. Era berean, Interneten ere bada go katalogoaren gaineko argibide gehiago: www.katalogoa.org. Udaletxean edota Kultur Etxean ere izango dute eskuragarri.

GIZARTEA > SALAKETA

Puntu Berde Mugikorrak atzean utzitako zaborra

Azoka ingurua poltsaz eta edukiontziz beteta geratzen dela salatu dute hainbat herritarrek

bat herritarrek. Horietako baten arabera, "norbaitek hartu beharko luke, behin Puntu Berde Mugikorra pasatu eta gero, ingurua garbitzeko ardurara. Azken aldiz etorri zenean, ingurua erabat zikin geratu zen hurrengo egunetan".

E.M. > BERGARA

Hamabostean behin, sukaldeko olio eta bestelako hondakinak jasotzera datorren Mankomunitateko Puntu Berde Mugikorra dela eta, hainbat herritarren kezak izan dira azken egunotan.

Esan bezala, bi zapatutik behin etortzen da Puntu Berde Mugikorra Oxirondoko azokara, 09:00etatik 13:00etara. Behin alde egin eta gero, ingurua poltsaz eta edukiontziz, plastikozkoak zein beirazkoak, beteta geratzen dela salatu dute hain-

ETXEKO HONDAKINAK

Sukaldeko olio erabiliaz gain, fluoreszenteak, bateriak, toner kartutxoak, erradiografiak, pilak, telefono mugikorrak, termometroak, etxeko tresna elektriko txikiak, motore olioak (ontzi itxietan), pinturak (ontzi itxietan), disolbatzaileak (ontzi itxietan), garbitasun produktuak (lixiba, amoniakoa,...), pestizidak eta aerosol ontziak jasotzen ditu Puntu Berde Mugikorrak. Datorren zapatuan, abenduaren leian, izango dugu berriro azokan, ohiko ordutegian.



PUNTO BERDEA Etxeko hondakinak bakarrik jasotzen ditu.

GOIENKARIA



JOSETXO ARANZABAL

Mizpirualden bazkaria izan zuten zapatuan

Mizpirualdeko Astea amaitzeko, bertako egoiliarrek bazkaria izan zuten zapatuan. Aurretik, meza entzun zuten erresidentziako kaperan. Ohi denez, Alai Taldeak hainbat kantu eskaini zituen ospakizunen azken jardunaldian. Bazkarian 70 lagun inguru elkartu ziren; tartean, Mizpirualdeko egoiliarrez eta langileez gain, Antzuolako, Elgetako eta Bergarako Udaletako

ordezkariak eta erretiratuaren elkarretakoak egon ziren. Bazkalostean, dantzaldia izan zen, eta jarraian, astean zehar jokaturako txapelketetako sari banaketa eta oparien zozketa egin zuten. Azken urteotan, azaro aldera, ospakizun astea egiten dute erresidentzian, helburua neguaren atarian giroa piztea dela. Mizpirualde Egoitzan 106 lagun bizi dira gaur egun.

> UDALA

Ohizko batzarra izango da gaur udaletxean

Gaur, astelehena, ohizko batzarra izango da udaletxean, 19:30ean. Aztertuko dituzten gaien artean, San Martin Agirre Eskolako Guraso Elkarteak eta EAJ eta EAko bozeramaileek aurkeztutako eskaera dago. Zortzi puntu dira gai zerrendan, eta, ondoren, erregu eta galderetarako txanda egongo da.

> DEIALDIA

Odol-ateratzeak izango dira etzi, Seminarioan

Bergarako Odol Emaileen Elkarteak jakinarazi duenez, aurtengo azken aurreko odol-ateratzea izango da etzikoa, eguaztena. Ohi denez, Seminarioko lokalean izango da, 18:30ean. Urteko azken odol-ateratzea abenduaren 19an egingo dute, ordu eta toki berean.

HIRIGINTZA > IRISGARRITASUNA

Irisgarritasun planaren bigarren fasea, abian

Portu, Bakardadeko Ama eta Moiu kaleetan egingo dira bigarren zatiko lanak

Enkante bidez emango diren lanen aurrekontua, gehienez, 323.000 eurokoa izango da

MIREIA BIKUÑA > OÑATI

Oñatiko Irisgarritasun Planak pauso berri bat beteko du. Oztopo arkitektonikoak kendu eta herria oinezkoendako egokitze-ko planaren bigarren zatia egitea onartu berri du Udalak. Hala, Portu, Bakardadeko Ama eta Moiu kaleak hartzen dituen zatia enkante bidez ematea adostu du tokiko gobernu batzarrak.

Portu, Bakardadeko Ama eta Moiu kaleetako oztopoak kentzeko, Udalak onartu duen gehienezko aurrekontua 323.000 eurokoa da. Halaber, lanak sei hilabeteko epean egin beharko dira. Hala, interesa duten enpresek, deialdia Gipuzkoako aldizkarian kaleratzen den egunetik hasita, 13 eguneko epea izango dute eskaintzak aurkezteko. Lanak proposamen merkeena egiten duen enpresak egingo ditu.

ESPALOIAK

Moia kalearen hasieran, Bakardadeko Ama eta Portu kaleetan egingo diren lanen artean, aipagarriena espaloien zabaltze orokorra izango da, gurpildun aulkiekin doazenak aintzakotzat hartuko dira-eta. Halaber, Maibi denda inguruan, Bakardadeko Ama kaleak eta Errekaldetik datorren bideak bat egiten duten lekuan, segurtasun baranda bat jarriko da. Gainera, autoek oinezkoen pasabidea oztopatu ez dezaten, hainbat aparkaleku mugatzeko elementuak jarriko dira.

Halaber, hiru kaleetako hainbat zebrabide eta ibilbidean dauden kale-argi batzuk lekuz aldatuko dira. Lope Agirre kalearen hasieran eta bukaeran, plataforma moduko ibilbideak egokituko dira, eta horretarako, zoladurak, pabimentuak, erabiliko dira.



MIREIA BIKUÑA

PORTU KALE Argazkian dagoen zebrabidea lekuz aldatuko da. Euskadiko Kutxa eta Santander banketxearen aurreko espaloiak zabaldu egingo dira. Hortaz, Santander banketxearen aldeko aparkalekuak kendu egingo dira.



MIREIA BIKUÑA

LOPE AGIRRE Portu eta Lope Agirre kaleek bat egiten duten lekuan, plataforma moduko oinezkoendako ibilbide bat egokituko da. Halaber, Euskadiko Kutxaren atzeko espaloia zabaldu egingo da.

UDALA > EGUTEGIA


Arrikruz izango da udal egutegiaren irudia

Datorren urteko egutegiaren 1.200 ale gertatuko ditu Udalak herriko enpresa, ikastetxe eta bulegoetan banatzeko

M.B. > OÑATI

Datorren urterako Udalak kaleratu asmo duen egutegiaren ardatz nagusia Arrikruz izango da. Hala, egutegia irudikatze, Oñatiko Turismo eta Garapen Agentziak ateratako argazkiak erabiliko dira.

Bada, urtero, Udalak kaleratzen duen egutegiak euskararen erabileraren aldeko mezua ere jasotzen du: hartarako, esaldi laburra edo olerkitxo erabiltzen dira.



ARRIKRUTZ Kobazuloko argazkiekin ilustratuko dute egutegia.

GOIENKARIA

1.200 ALE

Datorren urteko egutegiaren 1.200 ale kaleratuko dira. Hala, 600 ale, gutxi gorabehera, herri-

ko ikastetxe, enpresa eta bulego publikoetan doan banatuko dituzte. Gainontzekoak salgai jarriko dituzte turismo bulegoan.

> HITZALDIA

Elikadura orekatuaren gaineko hitzaldi-tailerra Herri Eskolan, Amaia Diaz dietistaren eskutik

Errekalde Herri Eskolak antolatuta, elikadurari buruzko hitzaldi-tailerra egingo da etzi, eguaztena, ikastetxeko areto nagusian. Eskolako jantokiko menuak aztertu, egokiak diren azaldu, eta umeen dieta orekatzeko aholkuak emango ditu Amaia Diaz de Monasterioguren dietistak. Halaber, elikaduraren gurpila lagun duela, eguneroko menuak izan behar dituzten ezaugarriak azalduko ditu adituak. Gainera, garaiko janari osasuntsuak aukeratzeko eta prestatzeko aukera ere egongo da. Elikadura orekatuaren gaineko hitzaldi-tailerra irekia da, interesa duten herritar guztiendako.

> IKASTAROA

Lan taldean egoki lan egiteko bete beharreko baldintzak aztergai dira ikastaro batean

Lahar Eskuarte Sozialerako Elkartek antolatuta, *Komunikazioa eta Lantaldearen Metodologia* izeneko ikastaroa egongo du Oñatin. Irantzu Gabilondo irakasleak emango duen ikastaroa gaur hasi eta egubakoitzera arte izango da.

Ikastaro horretan, lantaldean eragina duten elementuak identifikatzen saiatuko dira. Halaber, lantaldean egoki lan egiteko bete beharreko baldintzak ere zehaztuko dira.

Gipuzkoako Foru Aldundiaren Giza Eskubideetarako, Enplegurako eta Gizarteratzeko sailak diruz lagundu du ikastaroa. Hortaz, doanekoa da.

ARETXABALETA > UDALA

Ekarpenetara zabalik dago udal gobernuaren programa

"Programa irekia, aldakorra eta ekarpenak eskatzen dituen" aurkeztu zuten

Lau urterako, 58 milioi euroko inbertsioa aurreikusi dute; diru iturriak bilatuko dituzte

MIRARI ALTUBE > ARETXABALETA

Egubakoitzean aurkeztu zuten Aralarrek eta EAK datozen lau urteotarako adostutako gestio programa. Eusko Abertzale Ekin-tzak egindako ekarpen batzuk ere jaso dituztela jakinarazi zuten, "programaren hasieran egon zirelako".

GAINERAKO ALDERDIEI BANATUTA

"Programa irekia, aldakorra eta ekarpenak eskatzen dituen da", azaldu zuen alkateak. Horregatik, gainerako alderdiei banatu diete, eta 15 bat egun izango dute, alderdian aztertuta, hausnartuta eta ekarpenak egiteko: "Ardatz nagusiekin bat etorritik gero, horiek ere txertatuko ditugu programan", esan zuen alkateak.

Udaleko lau arloak kontuan hartuta garatu dute: biziberritzea,



AURKEZPENA Lore Martinez EAKo zinegotziak eta Inaxio Garro alkateak aurkeztu zuten gestio programa egubakoitzean. M.A.

garapen iraunkorra, bizi kalitatea eta gizarte ongizatea. "Bizi kalitatearen eta garapen iraunkorraren eredu lantzea izango da erronka handienetakoa, udalerraren hazkunde kualitatiboa bultzatzea irizpide ekologikoei jarraituta eta ingurumena errespetatuta", argitu zuen Inaxio Garrok. Datzen lau urteotako inbertsio garrantzitsue-

nak ere aipatu zuen: kirol etxea, saneamendu lanak plazan eta Mitarte eta Santa Kurtz kaleetan, osasun etxe berria, udaletxea birmoldatzea, enpresa sarea dinamizatzea eta dokumentazio zentroa Iraban baserrian. "58 milioi euro izango dira, eta diru iturriak bilatu beharko ditugu: Aldundian, Jaurlaritzan..."

GAUR, OHIKO OSOKO BILKURA

Gaur, astelehena, osoko bilkura egingo dute 18:00etan. Hainbat gai landuko dituzte, tartean, plaza saneamendu lanen esleipena edo gizartearen mesederako lanak eta konpontzeko zeharkako prestazioak betetzeko hitzarmena, arau-hauste jakin batzuk egin dituztenendako.

ARETXABALETA

Biatoristen prokuradore izendatu dute Eskibel

Orain arte, bikario nagusia zen, eta ardura handiagoko kargua eman diote

L.K. > ARETXABALETA

Goio Eskibel aretxabaletarra Vatikanon biatoristen prokuratzaile izendatu dute, eta Jose Antonio Lezamari, 1981eko apiriletik kargu horretan zegoenari, lekukoa hartzen dio Eskibelek. Orain arte, biatoristen bikario nagusia zen Eskibel; hortaz, mailaz igo dute. Biatoristen zuzendaritzak hainbat arduradun berri izendatu ditu, tartean, Aretxabaletakoa.

Biatorista aretxabaletarra dagoeneko hasi da bere kargu berrirako prestatzen, Teologia eta Zuzenbide Eskola Praktikoan ikastaroak hartzen, datorren apirilera arte.



Goio Eskibel.

MIRARI ALTUBE

ESKORIATZA > UDALA

Zirkulazio ordenantza eztabaidatuko du osoko bilkurak, isunak Udalak kudea ditzan

Bidegorria eta Ezker Batua-Berdeek eta EAEk aurkeztutako mozio bana ere berba izango dituzte zinegotziek

LEIRE KORTABARRIA > ESKORIATZA

Gai interesgarri asko eztabaidatuko ditu Udaltzako etzi, osoko bilkuran. Besteak beste, zirkulaziozko lege-haustea arautzen dituen ordenantzaz berba egingo dute. Izan ere, datorren urtean hasita, Udalak kudeatuko ditu isunak, eta ordenantza aldatu egin behar da horretarako.

Bidegorriaren gainean Aldundiarekin egin beharreko akordioa ere landuko dute; izan ere, Aldundiak egingo du zati bat, azpiko pasabide bat, hain



BIDEGORRIA Bidegorriaren zati berri batez ere berba egingo dute.

ARTXIBOA

zuzen ere. Hitzarmen proposamen bat eztabaidatuko dute.

Horrez gain, Ezker Batuak-Berdeek Emakumeen Aurkako

Indarkeriaren Nazioarteko Egunaren gaineko mozioa aurkeztuko du, eta EAEk, AHTren gaineko beste bat.

ESKORIATZA

'Geuria' eskuorriaren zenbakia kalean da

L.K. > ESKORIATZA

Kalean da Udalak herriko familia guztiendako argitaratzen duen Geuria eskuorriaren azaroko zenbakia. Udalak ikastetxeetan banatu du dagoeneko, eta Udalaren webgunean (www.eskoriatza.net) ere badago, euskalkian eta euskara batuan idatzita.

AKATSAK ZUZENDU

Eskuorri horren bidez, euskaraz txarto erabiltzen diren esamoldeak zuzendu gura dira. Horretarako, hilerorrian, asko egiten diren bi akats proposatzen dira, txarto eta zuzen nola esaten diren azaldu, eta zenbait ariketa proposatzen dira. Noizbehinka, hizkuntzarekin jolas egiteko tartek ere badaude.

ESKORIATZA

Gabonetako marrazki lehiaketa egingo dute

L.K. > ESKORIATZA

Zure Gabonetako Marrazkia izenburuarekin, marrazki lehiaketa eta jaialditxo antolatuko du Eskoriatzako Udala Gazteria sailak datorren zapatarako, abenduak 1, frontoian, 16:30ean hasita.

Egitaraua hauxe da: 16:30etik 18:00etara, umeei Gabonetako marrazkia egingo dute; 18:00etan, txokolate-jana izango dute; eta 19:00etan, sariak banatuko dizkiete. 3 urtetik 12ra arteko ume guztiak parte har dezakete, eta hiru adin tartetan banatuko dituzte sariak: 3-5 urte, 6-8 urte eta 9-12 urte.

Umeei ez dute ezer eraman beharrik. Txokolatea hartzeko, beharrezkoa da lehiaketan parte hartzea.

ELGETA > AZOKA

Bigarren eskuko gauzen azoka, abenduaren 15ean

Diskoak, liburuak, jolasak... materiala abenduaren 13ra arte jasoko dute udaletxean

Eskola Txikien jaiaren barruan, 2005ean, egin zen antzeko azoka, eta arrakastatsua izan zen

LARRAITZ ZEBERIO > ELGETA

Elgetako Udalak bigarren eskuko gauzen azoka antolatu du abenduaren 15erako. "Gabonak hurbiltzen dabilta eta materiala berrerrabiltzeko aukera eman nahi dugu", adierazi du Rebeka Ubera zinegotziak; "opari berriak erosi beharrean, birziklatu egin daitezkeelako".

Etxean ahaztuta dauzkagun diskoak, liburuak eta jostailuak udaletxera eramateko dei egin dute. Materiala udaletxean jasoko dute abenduaren 13ra arte. "Diskoak, liburuak eta jostailuak ez diren bestelako gauzak ekartzen badituzte ere, jasoko ditugu", esan du Uberak.

Udaletxeko teknikariek materiala sailkatu eta gauza bakoitzari prezioa jarriko dio-



AZOKA Aurrez ere egin izan dute bigarren eskuko gauzen azoka Elgetan.

ARTXIBOA

te. Azoka abenduaren 15ean egingo da, 11:00etan hasita, Herriko plazan. Salmentekin batutako dirua Mexikoko Ciudad Juarezko emakume elkar-tearendako izango da.

GAZTELEKUA, MINTZAGAI

Udalak, bestalde, bilera egin nahi du 10-16 urte bitarteko umeen gurasoekin. Gazteleku zerbitzuaz egingo dute berba bilera horretan. Zerbitzu hori enpre-

sa baten esku utzi beharrean, langile bat kontratatzea aztertzen dabil Udalak, eta gurasoen iritzia jaso nahi du. Hitzordua etzirako, eguaztena, egin dute, 19:00etan, udaletxean.

ANTZUOLA > AUTOBIDEA

Beasain-Durangoren bide-trazadura aldatzea eskatu du Udalak

Diputazioari eskakizun hori bideratzea aho batez onartu du udalbatzak

Autobidea eskumako mendi-hegaletik ez joatea da Udalak egin duen eskakizuna

AINTZANE IRIZAR > ANZUOLA

Ezohiko udalbatzarra egin zuten eguaztenean. Hantxe, aho batez onartu zuten Diputazioari eskatzea aldatu dezala Beasain-Durango autobidearen bide-trazadura. Oraintxe dihardute behin-betiko proiektua idazten.

Diputazioak Ormaiztegi eta Bergara arteko zatiari zegokion proposamena egin zuenetik, prozesuak luze jo du. Orduetik, Udalak behin eta berriz eskatu dio Diputazioari gauza bera: autobidea ez dadila pasatu eskumako mendi-hegaletik. Aurre-proiektuaren arabera, Goizper eta Lekuberri baserriaren aldeko mendi-hegaletik dator. Ariztiberrri baserriaren parean, zubi-bide bat

egingo dute, eta autobidea eskumako mendi-hegalera pasatuko da. Horixe ez egiteko eskatu du orain Udalak. Pedro Iturbe alkatearen esanetan, horrek kalte handia egingo lieke hango lursaili eta, ondorioz, inguru horretako baserritarrei. Gainera, Iturbek azaldu duenez, bidegorriaren ibilbide-trazaduran ere eragina izango luke.

Bere garaian, Udalak beste bi bide-trazadura alternatibo aurkeztu zizkion Diputazioari, eskumako mendi-hegala ez ukitzearen, baina hark ez zituen onartu. Orain, Udalak ez du horrelako proposamenik egin. Eskatu duen bakarra izan da eskumako mendi-hegala ez ukitzeko.

ADIERAZPEN INSTITUZIONALA

Eguazteneko ezohiko batzarrean, bestalde, atzo Emakumeenganako Indarkeriaren Aurkako Nazioarteko Eguna zela eta, adierazpen instituzionala onartu zuten, aho batez. Idatzi horretan, besteak beste, Udalak konpromisoa hartzen du berdintasunaren aldeko eta emakumeenganako indarkeriaren aurkako udal politika aktiboa egiteko.

BOLUNTARIOEN BATZARRA

Mizpirualdeko egoiliarrek bisitazera joaten diren boluntarioek batzarra egingo dute bihar, martitzena, 18:00etan, erretiratuen lokalean. Boluntario gisa hasi nahi duenak erretiratuen elkarteko batzordeko kideengana jo behar du izena ematera, edo biharko batzarrera joan.

MARKEL OLANO ETORRIKO DA

Markel Olano Gipuzkoako diputatu nagusia Antzuolara etorriko da eguaztena, azaroak 29. Udaleko ordezkariekin batzarra egingo du, eta herriko proiektuen berri emango diote. Hainbat eskakizun egiteko ere aprobetxatuko dute Udaleko agintariak.

ARAMAIO

Errotaberri, Arriola eta Zalgorako proiektuak

Foru Planerako hiru auzo horietako lanen proiektuak onartuko dituzte eguaztenean

ARRITXU BARRUSO > ARAMAIO

Foru Planean aurkezteko, Zalgo, Errotaberri eta Arriola auzoetarako azpiegiturak hobetzeko lanen proiektuak onartuko dituzte etzi, eguaztena, egingo den osoko bilkuran. Aurreko Udalbatzak lan horietarako aurreproiektuak aurkeztu zituen joan den urtean, eta orain, behin betikoak aurkeztuko dituzte, aurreproiektuen eguneraketak, alegia. Diputazioak proiektuok onartuz gero, asmoa da lanak 2008an hasia.

BATZORDEETAN, ALDAKETAK

Udal batzordeen birmoldaketak ere izango dituzte hizpide azaroari dagokion osoko bilkuran. Izan ere, Eusko Alkartasuneko zinegotzi Andres Osinagak batzorde guztietan egotea eskatu zuen, eta EAJk ere zinegotzi berria izango du laister. EAEk, bestetik, bere parte-hartzea ziurtatu nahi du batzorde guztietan. Horrenbestez, batzordeen berrantolaketa onartuko dute osoko bilkuran.

LEINTZ GATZAGA

Batzordea aldatuko du Gurelek abenduan

MIRARI ALTUBE > LEINTZ GATZAGA

Gurel guraso elkarteak batzorde aldatzea egingo du abenduaren 3an, astelehena. Toki Eder elkartearen izango da batzarra, 18:30ean, eta elkarteko bazkide guztiei egingo diete deialdia.

Lau lagunek osatzen dute Gureleko zuzendaritza batzordea, eta horietako bik utziko dute: Gurutze Orbegozo presidentea eta Ana Milan diruzainak. Batzordean jarraituko dute Eguzkiñe Alberdik eta Ainara Zubillagak, eta beste bi guraso hautatuko dituzte. Gero, karguak banatu beharko dituzte lauren artean.

Bigarren gai bat ere landuko dute batzarrean: Gabonak. Jai egun horietan zein ekitaldi antolatu erabakiko dute.

Kirola



> **FUTBOLA**
Aloñak eta UDAk irabazi egin zuten etxean, eta Mondrak, galdu > 16



> **ESKUBALOIA**
Ford Mugarrik irabazi eta Bergarak galdu egin zuen > 20



> **SASKIBALOIA**
Valsay Ardoiren aurka galdu zuten Arrasateko mutilek > 21



> **PILOTA**
Ibai Bolinaga arrasatearrarekin egon gara berba egiten > 22



MARATOIA Lasterketa burua, Donostiako kale batean, lasterka.

ARGAZKI PRESS

MARATOIA > DONOSTIA

Debagoieneko lasterkariak, maratonia errepikatzeko gogoz

MAROKOARRAK

Mutiletan, lehia estua egon zen marokoarren artean; azkarrena El Mouaziz izan zen

PAGALDAI

Bergararrak 30. aldiz jokatu zuen atzo Donostiako maratonia; beteranoena da

ARANTZAZU EZKIBEL > BERGARA

Maratoia aurreko postuetan amaitzeko asmoz irten zen atzo Ritxar Fernandez oñatiarra; baina, zoritxarrez, gura baino lehenago utzi behar izan zuen lasterketa. "28. kilometroan, bikiak igo zaizkit, eta bertan behera utzi behar izan dut lasterketa, Grosen", adierazi zigun behin Anoetara iritsi eta dutxa hartu ondoren.

Anoetako helmugan, Abdelhadi El Mouaziz (2:12:42) izan zen azkarrena; nesketan, Kristijna Loonen igo zen podiumeko leku gorenera.

OÑATIARRAK, SENTSazio ONA

Korrika egindako 28 kilometroetan, baina, sentsazio oso onak izan zituen Fernandezek. "Hasierako kilometroak uste bezala egin ditut; talde polita sortu dugu, eta marokoarren atzetik joan gara. Hala,

nirekin korrika egin duten lagunak uste nuen denboran sartu dira helmugara, 2:25:00 denbora inguruan, alegia", gaineratu zigun Fernandezek atzo.

Grosetik Anoetara oinez joan behar izan zuen oñatiarrak, eta, aitortu zigunez, nahiko arazo izan zituen Anoetako eskailerak igo-

tzen. Gainera, atzokoan hotz handia egin zuela gaineratu zigun: "Lasterketa hasi denean, sei gradu egiten zuen, eta, gerora, laura jaitsi da".

PAGALDAI, 30. ALDIZ

Debagoienak beste protagonista bat ere izan zuen atzokoan: Bixen-

te Pagaldai bergararrak 30. aldiz egin zuen lasterketa. Pagaldai orain arte jokatu diren Donostiako maratoi guztietan egon den atleta bakarra da.

Bergararra beteranoena izan bazen atzo, maratonia lehenengo aldiz egin zutenak ere bazeuden: Asier Osinaga eta Jesus Odriozola oñatiarrak, esaterako.

Osinaga gustura geratu zen egindako lanarekin; uste bezala, 2:52:00 inguru behar izan zuen, eta eroso helmugaratu zela aitortu zigun. Gainera, "familia guztia helmugan ikustean, hunkitu egin naiz", esan zigun.

Odriozolarentzat ere, atzokoa lehenengo aldia izan zen. Hiru ordu baino gehiago behar izan zuen maratonia bukatzeko, eta datorren urtean errepikatzeko gogoarekin gelditu dela onartu digu oñatiarrak.

ESANAK

"Lasterketa utzi behar izan dudan arren, sentsazio onarekin geratu naiz; orain, ondo osatzea da helburua"

Ritxar Fernandez > Lasterkaria

"Maratoia egiten dudan lehenengo aldia izan da; ikustera eta ikastera etorri naiz, eta gustura nago egindakoarekin"

Asier Osinaga > Lasterkaria

PREFERENTE MAILA > HAMABIGARREN JARDUNALDIA

Hirugarren garaipena jarraian, Aloñarendako

ALOÑA

4-0

ANAITASUNA

Aloña > Iñigo, Julen, Iker, Xabi, Jon, Roberto, Aratz, Mikel (85. min., Iñigo), Unai (72. min., Unai), Axier (77. min., Mikel), eta Aritz (76. min., Jon).

Anaitasuna > Astigarraga, Azkoiti, Martinez (64. min., Muñoz), Robxa, Uria (60. min., Korta), Artetxe, Goenaga (56. min., Lizarazu), Tomas, Aranbarri, Iñigo (60. min., Etxeberria) eta Iban (60. min., Mendi).

Epailea > Sansuan jauna.



LEHEN GOLA Argazkian, Idigorasen lehen gola.

JOSETXO ARANZABAL

MIREIA BIKUÑA > OÑATI

Azkeneko bi jardunaldietan Zestoa eta Idiazabal menderatu ondoren, Aloñak hirugarren garaipena jarraian erdietsi zuen atzo Anaitasunaren aurka. Hala, atzoko hiru puntuekin, bederatzi lortu ditu Josu Zubiaren taldeak azken hiru partiduetan. Hortaz, Aloñak beste pauso bat eman du sailkapenean, eta orain, seigarrena da, 19 puntuekin.

GOL AZKARRA

Eguraldi zakarrarekin jokatu zen atzoko partidua Azkoagainen. Kanpoan egiten zuen giroari aurre eginez, partidu ona jokatu zuten oñatiarrek. Zaleak zelaira sartzen zedenean, bosgarren minutuan, aurreratzen zen Aloña markagailuan: Roberto Idigorasek Iker Maiztegi emandako

pasea aprobetxatu zuen lehen gola egiteko. Golaren ondotik, Azkoitiako taldeak aurrera egin zuen, eta lehia berdintzeko aukerak izan zituen. Edozelan ere, etxeko jokalariek larrien zeuden unean, kórner erdiraketa batean egindako errematearekin, bigarrena egin zuen Aratz Losadak. Bi goleko tartearrekin, Anaitasunak aukera garbiak sortu zituen, baina Iñigo Idigorasek atezainak geldiketa onak egin zituen.

BI GOL GEHIAGO

Bigarren zatien hasieran, Anaitasunak aurrera egin zuen, markagailua murrizteko asmoz. Bada, oñatiarrek egin zuten hirugarrena: Idigorasek egin zuen gola 55. minutuan. Halaber, Idigorasek berak izan zuen beste gol bat egiteko bidea, baina erremateak, zutoinean jo zuen. Amaitzeko bederatzi minutu falta zirenean, Elgarrestak egin zuen laugarrena, penalti bidez.

PREFERENTE MAILA

Mondra nahi eta ezinean ibili zen Berion

BERIO

1-0

MONDRA

A.G. > BERGARA

Mondrak, min hartutako batzuk zirela eta, ezin izan zituen jokalariek guztiak eraman Berioaren aurkako partidura, eta 1 eta 0 galdu zuen.

Partidua ondo hasi zen Gordobilen mutilentzat, eta, hasierako minutuetan, aukera argia izan zuen Lopezek arrasatearrentzat. Etxeko taldeak, lehen zati honetan, ezer gutxi egin zuen Mondraren areara hurbiltzeko.

LASPIUR, KANPORATUA

Partidua, joko aldetik, behintzat, nahiko berdinduta zihonan, baina, 40. minutuan, ume-keria batengatik, Laspiur kaleratu zuen epaileak, eta hamar jokalarirekin gelditu zen Gordobilen taldea.

Bigarren zatian, eta bat gutxiagorekin, kontraerasoen zain gelditu zen Mondra, baina, bosgarren minutuan, etxekoek gola sartu zuten. Arrasatearrek aurrera jo zuten, baina, berdinketaren gola lortzearen prezaz, tokia galdu zuten zelaian. Berioek penalti bat huts egin zuen. Aukerak izan arren, ez zuten punturik lortu Arrasatekoek.

emaitzak eta sailkapenak

PREFERENTE MAILA

Sailkapena	Puntuak	JP
1. Real Union	26	12
2. Ordizia	23	12
3. Trintxerpe	22	12
4. Berio	21	12
5. Aurrera	21	12
6. Aloña Mendi	19	12
7. UDA	19	12
8. Euskalduna	18	12
9. Hernani	16	12
10. Mondra	15	12
11. Zestoa	15	12
12. Anaitasuna	14	12
13. Vasconia	14	12
14. Zumaiaiko	13	12
15. Hondarribia	13	12
16. Idiazabal	11	12
17. Eibararrak	9	12
18. Touring	6	12

Emaitzak

Zestoa-Idiazabal	1-2
Aloña Mendi-Anaitasuna	4-0
Vasconia-Eibararrak	5-1
Real Union-Hernani	2-0
Hondarribia-Trintxerpe	3-3
Berio-Mondra	1-0
Ordizia-Touring	3-0
Euskalduna-Aurrera	1-0
UDA-Zumaiaiko	2-0

Hurrengoak

Zumaiaiko-Idiazabal	
Anaitasuna-Zestoa	
Eibararrak-Eibararrak	
Hernani-Vasconia	
Trintxerpe-Real Union	
Mondra-Hondarribia	
Touring-Berio	
Aurrera-Ordizia	
UDA-Euskalduna	

BESTELAKOAK

LEHENENGO ERREGIONALA

Urola-Bergara	2-3
Antzuola-Oiartzun	0-2

BIGARREN ERREGIONALA

UDA B-Urki	3-1
Elgeta-Ikasberri	1-2
Zestoa-Mondra	1-4
Eibararrak-BTLS	3-0

EMAKUMEZKOAK, IGOERA FASEA

BTLS-Ostadar	1-0
--------------	-----

EMAKUMEZKOAK, KOPA

Mondra-Mutriku	1-2
Arizmendi-Arizmendi B	6-1
Bergara	atsedena

OHOREZKO GAZTEAK, IGOERA

UDA-Mariño	0-0
Bergara-Vasconia	2-0

OHOREZKO GAZTEAK, KOPA

Orioko-Aloña Mendi	0-1
Mondra-Beti Gazte	1-3

LEHENENGO MAILAKO GAZTEAK

Ikasberri-UDA B Arizmendi	1-4
Bergara B	atsedena

OHOREZKO KADETEAK, IGOERA

Aloña Mendi-Real Sociedad	1-1
---------------------------	-----

LEHENENGO MAILAKO KADETEAK

UDA B-Arizmendi	12-2
Arrasate-Eibararrak	0-1
Bergara B	atsedena

KADETE NESKAK F11, TXAPELDUNAK

Arizmendi-Eibararrak	2-0
----------------------	-----

KADETE NESKAK F11, KOPA

Touring-Aloña Mendi	3-1
---------------------	-----

KADETE NESKAK F8

Bergara	atsedena
---------	----------

PREFERENTE MAILA > UDA-ZUMAIKO

Beharrezko garaipena, atzo UDAk etxean lortutakoa

Bigarren zatiko lehenengo minutuetan, UDAko Iker Orueta egotzi zuen epaileak; bigarren zatiko 30. minutu aldera, Zumaiaiko jokalaririk bat ere

UDA

2-0

ZUMAIKO

Lehenengo aukera garbia Iban Lopezek izan zuen, baina gola Iker Orueta egin zuen. Atzealdetik hasitako kontraeraso bizkorrean, Orueta atezaina gairatu zuen. Bigarren gola atsedena baino zerbait lehenago etorri zen, eta Igor Arriagak egin zuen.

EPAILEA, TXARTO

Bigarren zatian, gauzak nahastu egin ziren, batez ere, epailearentzat; izan ere, Iker Orueta egotzi zuen lehenengo minutuetan, eta, gero, penaltia adierazi zuen etxeko kontra; zorionez, Elgarrestak gelditu egin zuen baloia.

ARANTZAZU EZKIBEL > ARETXABALETAK

Ondo borrokatutako garaipena erdietsi zuen atzo UDAk, Zumaiaikoren aurka. Aurreko asteko emaitza txarraren ondoren, beharrezkoa zuten aretxabaletarrek punturen bat lortzea. Bada, lehenengo zatian egindako bi golekin eman zioten garaipena UDARI.



LEHIA Atzo Ibarren hartutako irudia, Imanol Rodriguez.

JOSETXO ARANZABAL

Abendua

1-15

ERAKUSKETA "TACI
ARRASATETIK ARRASATERA"

Kulturaten

21 Ostirala

PELOTA PARTIDUAK

Santamas komisiñoarekin eta Udalarekin
elkarlanean

Uarkapen, 22:00

Saralegi - Mendizabal II
Arretxe I - Iza

Olaizola I - Otxandorena
Bengoetxea VI - Beguino

Urtarrila

2.3.4.5

GABONETAKO UMEEN
JOLAS PARKEA

Txatxilipurdi elkartearekin elkarlanean

Kiroldegian

12 Larunbata

MIKEL URDANGARIN

Udaleko Kultura eta Gazte Bulegoarekin
elkarlanean

Amaia Udal antzokian, 20:00

Otsaila

23 Larunbata

MIARRITZEKO BALLETA

Udaleko Kultura sailarekin elkarlanean

Amaia antzokian, 19:30

"Mozart Ballets" obra

Guztiok ereindako hazia

Fagor Arrasate da emaitza.

Guztion artean ereindako haziaren fruitu emankorra.
Herritik sortua eta Mondragoen errotua.

50 urte bete ditugu eta urteurrenaren ospakizunetan
murgildurik, herriko hainbat talderekin eta Arrasateko
Udalarekin elkarlanean ondorengo ekitaldiak antolatuta
ditugu.

Guztion lanaren eta ulermenaren ondorioa garelako eta
guztiokin ospatu nahi dugulako.
Eskerrik asko.

50
FAGOR

1 9 5 7 - 2 0 0 7

FAGOR ARRASATE S. Coop.

ERRUGBIA > ARRASATE-SANTANDER

Santander liderraren aurka galdu egin zuten Arrasateko errugbi taldeko seniorrek

Partidua galdu arren, Arrasateko taldeak joko eta jarrera onak erakutsi zituen, zapatuan, Mojategiko norgehiagokan

MIREIA BIKUÑA > ARRASATE

Aurreko aste bukaeran atsedena izan ondoren, senior mailako errugbi taldeak beste jardunaldi bat jokatu zuen zapatuan Mojategin, haien taldeko lider Santander taldearen aurka.

"Bagenekien partidua irabaztea zaila izango zela, Santanderrrek azpiko joko zikina egiten duelako", azaldu zigun etxeko entrenatzaile Arkaitz Ibarguenek; "edozein ere, gu partidua guztietara irabazteko asmoz irteten gara, eta zapatuan ere bai".

PARTIDUA ETA HELBURUA

Partidu zaila aurreikusten bazen ere, arrasatearrek dakiten jokoa egin zuten. Atsedenean, Santander taldea 5-17 zen nagusi Mojategin. Bigarren zatian errentari eutsi zioten, eta 19 puntuko tar-tearekin irabazi zuten (12-31).



ALBOKO SAKEA Argazkian, zapatuko partiduko une bat.

JOSETXO ARANZABAL

Zapatuko porrotarekin, Arrasateko errugbi taldeak hiru partidua galdu eta bakarra irabazi du. Edozein ere, haien helburua iguera faserako sailkapena lor-

tzea dela esan zigun entrenatzaileak: "Lehenengo hirurak sailkatzen dira. Bada, bigarren itzulian, emaitza hobeak lortu beharko ditugu helburua lortzeko".



JOSETXO ARANZABAL

Eskoriatza, lehia irabazteko aukera barik

Euskadiko Txapelketan lehiatzen den Eskoriatzako areto-futbol taldeak beste partidua galdu zuen sailkapeneko hirugarren tokian dagoen Kukullagaren aurka (0-4). Antonio Regañok zuzentzen duen taldeak partidua irabazteko aukera gutxi izan zituen. Bizkaitarrek bi gol lehenengo zatian egin zituzten, eta beste biak, bigarrean.

> TXIRRINDULARITZA

Arrasateko Fagor Txirrindulari taldeko zuzendari izandako Pedro Matxain bihotzekoak jota hil da

Pedro Matxain (Errenteria, 1927), Fagor taldeko zuzendaria izandakoa, zapatuan hil zen. Haren aginduetara, Txomin Perurenak, Jose Manuel Lasak, Mariano Diazek eta Luis Ocañak korritu zuten, besteak beste. Arrasateko txirrindulari taldeko zuzendari izan zen artean, lehia bizia izan zuen Kas taldeko zuzendari Dalmacio Langarikarekin. Zuzendari izan aurretik, txirrindularia ere izan zen, 1947tik 1954ra. Ziklo-krosean ere ibili zen. Hala, laugarren izan zen Espainiako Txapelketan, 1951. urtean.

UDA GOIENENKO

OSTERA




Murugarren

Txuma eta Gari

DURANGO PLATERUENA

AZAROAK 30, BARIKUA, 22:00etan. SARRERA: 8 €, AURRETIK; 10 €, BERTAN.

antolatzailea



TOPAGunea
Euskara Elkarren Federazioa

babesleak



BFA DFB
Bizkaiko Foru Aldundia
Diputación Foral de Bizkaia
Kultura Saria
Departamento de Cultura



laguntzaileak



PLATERUENA
Durangoko Kale Antzokia

BERGARA

Eskubaloia izan zen joan zen aste bukaerako protagonista

SEIGARRENA Bergarako alebin mailako neska-mutikoen 6. jardunaldia jokatu zuten zapatuan Labegaraletan

ESKUBALOIA Jardunaldi horretan, beste behin ere, eskubaloian jokatu zuten, eta arauak hobeto erabiltzen ikasi zuten

KIROLTASUNA Kiroltasuna oso garrantzitsua da kirol guztietan, eta zapatuan, hori ere erakutsi zuten umee

JASONE ZABALA > BERGARA

Bergaran jokatu zuten eskola kirolari dagokion 6. jardunaldia. Labegaraletako kiroldegian, Bergara, Antzuola eta Elgetako alebin mailako neska-mutikoen bildu ziren eskubaloian jokatzeko.

Goizeko hamarretan hasi ziren partiduak. Guztira, sei partidu izan ziren goiz guztian zehar. Lehenak jokatzen hegoaldeko ligako lau taldeak izan ziren: Mariaren Lagundia B-Antzuola A eta San Martin A-Aranzadi C izan ziren aurrez aurre.

Ordubete geroago, goizeko hamaiketan, sortaldeko ligako txanda izan zen: Aranzadi A eta Aranzadi B eta Mariaren Lagundia A eta San Martin B ibili ziren aurrez aurre.

NESKEN TXANDA

Hamabietan, nesken taldeen txanda izan zen, ekialdeko liga-koena, alegia. Bi partidu izan ziren guztira: Antzuola B eta Mariaren Lagundia, eta Antzuola A eta Aranzadi D.

Umeak pozik zeuden eskubaloian jokatzen, normalean ez baitute kirol hori egiteko ohiturarik. Asteaz zehar egiten dituzte entrenamenduak astebururako prestatzeko, eta guraso, entrenatzaile eta eskubaloia sailekoen laguntzarekin, pozik ibiltzen dira. Futbola eta saskibaloia izaten dira neska-mutikoen gustuko kirolak, eta batzuei kosta egiten zaie beste kirol batzuetako arauak ikasi eta errespetatzea. Baina, hori bai, kiroltasun osoz ibiltzen dira partidu bakoitzean.



Antzuola A. Ainara, Mariñe, Amaia, Hira, Maria, Itziar, Nerea, Leire eta Ibane.



Antzuola B. Lidia, Olatz, Leire, Ane, Alazne, Uxue, Goizaldi, Aiora eta Baleegha.



Mariaren Lagundia. Nerea, Izar, Ane, Idoia, Marina, Nere, Ainhoa, Amaia, Lorea, Alazne eta Maria.



Aranzadi D. Ana, Garazi, Amaia, Goizane, Uxue, Maider eta Nerea.

ERRESPETATZEN DITUZUE ARAUAK?




Maria eta Nerea
Mariaren Lagundia

"Arauak errespetatzen ditugu. Batzuetan, arauren bat salto egiten dugu, baina ez nahita. Esti eta Maggi dira astean zehar eskola-kirolean eskubaloian egin behar dena irakasten digutenak".



Ainhoa eta Amaia
Mariaren Lagundia

"Arauak errespetatzen ditugu, baina ez zaizkigu justuak iruditzen, bote bat eta hiru pauso eman daitezkeelako bakarrik. Gainera, partidu guztiak irabazi ditugun arren, epaileak oso txarrak dira".



Jokin eta Aitor
Mariaren Lagundia

"Arauak ederki ikasi ditugu, eta errespetatzen ditugu. Estik eta Maggi irakasten dizkigute arauak. Ikasteko eta errespetatzeko ez dira batere zailak. Epaileak, gainera, nahiko txarrak dira".



Christian, Paul eta Borja
Mariaren Lagundia

"Eskola-kirolean ikasten ditugu arauak, eta ez zaizkigu batere zailak egiten, nahiz eta batzuk errazak eta beste batzuk zailak izan. Gainera, bote bakarra eman daiteke, eta arau hori ez zaigu gustatzen. Epaileak oso txarrak dira; gaur, baloi batek zutoina jo du eta epaileak gol eman du".



Maria, Mariñe eta Itziar
Antzuola A

"Lehen geneuzkan arauak baino zailagoak dira oraingoak. Bote bakarra eman daiteke, eta, batzuetan, nahastu egiten gara eta bi ematen ditugu. Asteaz zehar entrenatzen dugu, ahalik eta akatsik gutxien egiteko, eta, poliki-poliki, bagoaz gure jokoa hobetzen".



BORROKA Argazkian, Peio Olaberria, Portugaleteko defentsarekin borrokan.

JOSETXO ARANZABAL

EUSKADIKO TXAPELKETA > SENIOR MAILAKO MUTILAK

Bi puntu gehiago Ford Mugarrirendako

FORD MUGARRI

26-24

PORTUGALETE

Ford Mugarrri > Trufu, Asier, Xabi (5), Jonan (3), Peio (1), Arkaitz (3), Jorge (2), Iker, Nestor (6), Jokin (3), Joseba (1) eta Aitor (2).

Portugalete > Peral (1), Romo, Lopez (3), Ramala (9), Kanikazelaia, Gomez (1), Esteban (8), Nuñez (1), Natividad, Franco, Cabana eta Roman (1).

Markagailua bost minuturo > 2-2, 4-2, 7-4, 10-6, 11-7, 14-11. Atsedena. 16-13, 18-15, 19-15, 20-18, 23-22, 26-24.

MIREIA BIKUÑA > ARRASATE

Euskadiko Txapelketako beste jardunaldi bat jokatu zuen zapatuan, Musakolako kiroldegian, Ford Mugarrri, eta beste garaipe bat eskuratu zuen; oraingon, Portugaleten aurka. Hori bai, bigarren zatian asko sufritu zuten etxekoek.

Partiduko lehenengo minutuak oso parekatuak izan ziren. Etxekoek zortzigarren minutura arte ez zuten zabaldu tartea markagailuan (4-2). Edozelan ere, Ford Mugarrri, gehienez ere, bost goleko errenta izan zuen, lehenengo zatian 19. minutuan (10-5).

URRATSAK

Bigarren zatian hasieran, etxekoek errentari eutsi zioten. Edozelan ere, bost minututan egin dako 0-3ko partzialari esker, bizkaitarrek errenta gol batean utzi zuten (20-19). Handik aurrera, norgehiagoka asko nahastu zen. Portugaleteko entrenatzaileak bakarkako bi defentsa agindu zituen; hortaz, etxekoei kosta egin zitzaizen erasoko jokaldiak antolatzea. Markagailuak 25-24 erakusten zuenean, Portugaleteko jokalaririk batek urratsak egin zituen erasoan. Hala, azken gola etxekoendako izan zen.

EUSKADIKO TXAPELKETA > SENIOR MAILAKO MUTILAK

Bergarak ezin izan zuen Barakaldo liderra gainditu

BERGARA

30-37

BARAKALDO

JASONE ZABALA > BERGARA

Partidu gogorra jokatu zuten bergararrek zapatuan Barakaldo liderraren aurka.

Lehen zatian, Muniategirenak lasai hasi ziren jokatzeko, balaia ondo mugituz. Golak erraz egin zituzten bi taldeek.

Barakaldok errenta area gotu zuen, bere gizonen kalitatea aprobetxatuz markagailuan errenta egoki bat lortzeko, eta halaxe izan zen. Poliki-poliki, 4-5 goleko errenta lortu zuten bizkaitarrek, eta partidua jabe izaten hasi ziren. Lehen zatiko emaitza 14 eta 21 izan zen.

BERGARARRAK, AZKARREGI

Etxekoak, aurkariak lortutako errenta ikusita, partidua apurtzera joan ziren. Etxekoen

defentsako lana gutxitzen hasi zen, eta bizkaitarrek euren errenta zazpi goletara handiagotu zuten. Epaileak jokalaririk asko kanporatu zituen, eta joko zoratu egin zen.

Nabaritu zen bizkaitarren kalitatea eta esperientzia. Hala eta guztiz ere, etxekoek ez zuten errenta moteldu, eta kanpotarren errentak iraun egin zuten.

Bergararren entrenatzaileak aldaketa asko egin zituen partiduan zehar, eta jokalaririk gazteek lan ona egin zuten. Azkenean, onenak irabazi zuten, eta lidergoan jarraitzearen arrazoia ederki erakutsi zuten. Josetxo Muniategi entrenatzailearen esanetan, "orain arte ikusi dudan talderik sendoena da Barakaldo".

Begararren golegile nagusia Aldanondo izan zen, zortzi gol sartuta. Datorren astean, Escolapios talde bizkaitarrari egin beharko diote bisita bergararrek. Ea partidua horretan hirugarren garaipena lortzen duten.



ONDO Liderraren aurka partidu ona egin zuten.

JOSETXO ARANZABAL

EUSKADIKO TXAPELKETA > SENIOR MAILAKO NESKAK

Seigarren jardunaldian, lehen garaipena Aloñak

ALOÑA MENDI

32-27

IES CONSTRUCCIONES

Defentsan arazo batzuk izan arren, erasoko jokoan jaurtitako guztia barrura sartu zuten. Zazpi goleko aldea ere izan zuten. Balaia oso ondo mugitu zuten, urduritasun barik. Lehen zatia bost goleko errentarekin amaitu zuten etxekoek (19-14).

BIGARREN ZATIA BERDIN

Bigarren zatian, gauzak ez ziren batere aldatu, eta kanpoko taldea saiatu zen arren, ezin izan zuten ezer egin markagailuko aldea murrizteko. Etxekoen golegile nagusia Arabaolaza izan zen, sei gol sartuta.



LARRAÑAGA Aloñako Jone Larrañaga, jokaldi baten.

JOSETXO ARANZABAL

emaitzak

MAILAZ MAILA

EUSKADIKO TXAPELKETA

Bergara-Barakaldo	30-37
Ford Mugarrri-Portugalete	26-24

NESKEN EUSKADIKO TXAPELKETA

Verkol Aloña-Construcciones	32-27
-----------------------------	-------

LEHENENGO TERRITORIALA

Eibarko-Arrasate eskubaloia	26-18
-----------------------------	-------

BIGARREN TERRITORIALA

BKL Iñauti-Bergara	26-33
Aloña Mendi-Donibane	27-24

GAZTE MUTILAK

Arrasate-Hondarribia	10-28
Rotula-Aloña Mendi	18-27

GAZTE NESKAK

Aloña Mendi-Arrate	24-14
--------------------	-------

KADETE MUTILAK

Berezoa Aloña-Bergara	22-16
-----------------------	-------

KADETE NESKAK

Verkol Aloña-Jauja	19-16
--------------------	-------

J.Z. > OÑATI

Seigarren jardunaldia arte itxaron behar izan zuten Aloñako neskek lehen garaipena lortzeko. Gasteizko Construcciones taldeari 32 eta 27 irabazi zioten.

Hasierako minutuetatik, jaun eta jabe izan ziren Maitane Ruizek zuzentzen dituen neskek.



ITURRIPE Arrasatearrak, Iturripen jokaturako partidu batean.

ARTXIBOA

LEHENENGO MAILA > OINTXE ARRASATE

Zortzigarrenean galdu du Arrasateko taldeak

VALSAY ARDOI

76-70

MONDRAGON UNIBERTSITATEA

ARANTZAZU EZKIBEL > BERGARA

Zapatura arte, ligan jokaturako partidu guztiak irabazi zituen Arrasateko senior mailako saskibaloitza: zazpi jokatu eta zazpi irabazi. Guztira, 14 puntu zituen Iñaki Merinok zuzentzen duen taldeak.

Bada, zapatuan, Nafarroako Valsay Ardoi taldearen aurka, galdu egin zuen Mondragon Unibertsitateak (76-70).

PARTIDU ZAILA

Aurreko astean Iñaki Merinok aurreikusitako bezala, partidu zaila izan zen zapatuan Zizurren jokaturakoa. Arrasateko mutilek bazekiten Valsay Ardoi goian ibiltzeko taldea dela; hala, lehenengo posturako lehian, Mondragon Unibertsitatearekin batera ibiliko den taldea izango da Valsay Ardoi nafarra.

Bi talde horiekin batera, Donostiako Cafes Aitona ibiliko da goian. Sailkapenean, orain, Arrasateko taldea dago lehenengo, 15 punturekin; gero, Cafes Baque, Valsay Ardoi eta Tabirako daude, hirurak 14 punturekin.

DATORREN ASTEAN, BASKONIA

Zapatuan jokaturako dute arrasatearrek Fundacion Baskoniaren aurka, Iturripen 18:00etan. Fundacion Baskonia 5. postuan dago sailkapenean. Orain arte, hiru partidu besterik ez dituzte irabazi, eta bost galdu dituzte.

GIPUZKOAKO TXAPELKETA > LEHENENGO MAILA

Bergarako Candyk 69-56 galdu zuen, liderrarekin

Bederatzi lehia jokatu eta bakar irabazi du Bergarak; azkenak dira sailkapenean

denera, 15 tanto aurretik iritsi ziren donostiarrak.

DEFENTSA ALDAKETA

Laugarren laurdenean, Bergarak defentsa aldatu zuen eta, horrela, markagailuko aldea murriztea lortu zuen. Partidua amaitzeko hiru minutu falta zirela, hiru tantoko tartea besterik ez zion ateratzen La Salle Bergarari. Gero, baina, donostiarrak esperientziak baliatu zituen eta 69-53 irabazi zuten.

Bergarak garaipen bakarra lortu du ligan, eta azkena da sailkapenean. Datorren astean, Ordiziaren bisita jasoko dute.

A.E. > BERGARA

Liderraren aurka galdu zuen zapatuan Bergarako Candyk. Mahoneroek ondo jokatu zuten, baina, donostiarraren aurka, ezer gutxi egin ahal izan zuten.

Hasieratik jarri zen aurretik La Salle taldea. Lehenengo minutuetan, samur menderatu zituzten bergararrak; hala, atse-

GIPUZKOAKO LIGA > SENIOR NESKAK

Garaipen eroso lortu zuten Eskoriatzako neskek

Arazo barik irabazi zuten eskoriatzarrek Ordiziaren aurkako partidua (30-55)

PARTIDUA

Norgehiagoka eroso izan zen Eskoriatzak Ordiziako kiroldegian jokaturakoa. Partiduaren lehenengo laurdena 3-20ko emaitzarekin bukatu zen. Hortaz, partidua ia erabakita utzi zuten eskoriatzarrek. Iker Zelaiaren taldeak zortzi jokalarirekin bakarrik jokatu zuen herenegun, lesioak tarteko, baja asko zuten-eta.

Bigarren eta hirugarren tarreetan, defentsako lana ez zen hain sendoa izan, baina errenta 15 puntukoa izan zen. Norgehiagoka erabakita zegoenean, azken tartean, eskoriatzarrek 30 puntuko tartea izan zuten.

M.B. > ESKORIATZA

Gipuzkoako Txapelketako seigarren jardunaldia jokatu zuten Eskoriatzako neskek, zapatuan, Ordiziaren aurka, eta garaipen eroso lortu zuten senior mailako neskek. Hala, zapatuan lortutako puntuekin, Eskoriatzako taldeak goian jarraitzen du sailkapenean, lau garaipen eta porrot batekin.

GIPUZKOAKO TXAPELKETA > GAZTE MAILA

Hamalau puntuko desabantailari buelta eman zioten

MONDRAGON UNIBERTSITATEA

88-75

EASO

MIREIA BIKUÑA > ARRASATE

Gipuzkoako gazte mailako txapelketako partidua jokatu zuten zapatu goizean Mondragon Unibertsitateak eta Easok. Kostata, baina arrasatearrek irabazi egin zuten partidua.

Oso gaizki hasi zen norgehiagoka etxeko jokalarientzako. Zonakako defentsa berri batekin hasi zuten lehia; bada, Easo tal-

deak defentsa hura aprobetxatu zuen markagailuan tartea zabalteko: 30-44, atsedenerako bi minutu falta zirenean.

HUTSARTEA

Une hartan, etxeko entrenatzaileak hutsartea eskatu zuen aldaketak egiteko, eta emaitza ona izan zen: bi minututan, 18-2ko partziala egin zuen MUK, eta atsedenera bi puntuko errentarekin iritsi ziren.

Hirugarren eta laugarren tarreetan, asko hobetu zen etxeko jokoa, eta errenta handitzen joan ziren. Halaber, beste behin, MUKo jokalariek guztiak jokatu zuten partidua.



ERASOAN MUKo jokalariek Ander Atxa, jaurtiketa egiteko gertu.

JOSETXO ARANZABAL

emaitzak

MAILAZ MAILA

LEHENENGO MAILA

Valsay Ardoi-MU 76-60

SENIOR MUTILAK

La Salle-Candy Bergara 69-56

SENIOR NESKAK

Ordizia-Eskoriatza 30-55

GAZTE MUTILAK

MU-Easo B 88-75

Bergara-Oiartzun 113-30

Oiarso-Aloña Mendi 28-61

GAZTE NESKAK

Allerru-Eskoriatza 23-57

KADETE MUTILAK

Take-MU C 87-29

Aloña Mendi-Andraitz 44-59

MU B-Oiartzun 91-15

MU A-Krafft 99-32

KADETE NESKAK

Eskoriatza-Aldapeta 69-57

Antigua-Arizmendi Eskoriatza 19-22

Añorga-Aloña Mendi 75-21

Kadete mailako pilotaria izan arren, gazte mailan jokatzeko ari da Ibai Bolinaga arrasatearra. Aurten, bi txapelketa garrantzitsutan, aurrean dabil; DV sarian, finalerdietara iritsi da, Jaunarenarekin batera, eta Baque eguaztena. Lau t'erdiko finalaren gainean galdetuta, Titinek irabazi gura duela esan digu.

Ibai Bolinaga > Pilotaria

"DV txapelketan, aurrera joan ahala, indarra eta konfiantza hartu dugu"

ARANTZAZU EZKIBEL > ARRASATE

Azterketa garaian harrapatu dugu Ibai Bolinaga; hala ere, gurekin berba egiteko tarte hartu du pilotari gazteak. Urte borobila egiten dabil Arrasatekoa; DV eta Baque Sariko txapelketetan finalerdietara iritsi da, oraingoz, Bolinaga.

Etzi, Baque sariko finalerdiak jokatuko dituzu Iurretan. Nolako partidua izango dela uste duzu?

Partidu oso zaila izango da; aurkaria gogor jokatzeko dabil azkenaldian, eta zaila izango da aurrera egitea. Gogor egin behar dut lan.

Badira hilabete batzuk txapelketa hasi zela, baina nik bi partidua besterik ez ditut jokatu. Zerrenda buruen arabera, batzuk beranduago sartu gara lehian. Hala, etzikoa nire hirugarren partidua izango da.

Gainera, DV sarian zure bikotekidea den Jaunarena izango duzu aurkari.

Bai, hala tokatu da. Partidua irabazi eta aurrera egin gura badut, gogor egin behar dut lan. Oraindik ez dut berarekin egoteko aukerarik izan, baina partidua baino lehenago, izango dut horretarako tarte.

Elkar ezagutzea onerako izango dela uste duzu?

Orain arte jokatu izan dugu elkarren aurka, eta elkar ezagutzen dugu. Baina ez dakit onerako edo txarrerako izango den hori, izan ere, nik bera ezagutzen dut, baina, era berean, Jaunarenak ere ni ezagutzen nau. Partidu bakoitza ezberdina izaten da, eta ez dakit zer gertatuko den.

Eguazteneko partidua irabaziz gero, finala jokatuko zenuke.

Finala abenduaren 8an izango da, Iurretan. Baina zaila izango da finalera iristea.

Bestalde, DV sariko finalerdiak jokatuko duzu Jaunarenarekin batera, abenduaren 6an.

Bai, Urretxun jokatuko dugu, Urrutikoetxea eta Landaburu bizkaitarren aurka. Orain, beste partidua batzuk jokatzeko gabiltzanez, ez dugu behar beste entrenatu; baina ahalik eta ondoen entrenatuta joango gara Urretxuko finalerdiara.

Gu baino nagusiagoak dira Urrutikoetxea eta Landaburu; hori dela eta, orain arte, ez dugu elkarren aurka jokatzeko izan.

Maila ezberdinetan ibili izan gara. Hortaz, lehia oso zaila izango da; guk baino indar handiagoa du bikote bizkaitarrak, eta esperientzia ere, guk baino handiagoa dute.

DV sarian, orain arteko ezusteko bikotea zarete.


Hasierako partidutan, ondo jokatu eta ahalik eta lan onena egitera irten ginen. Gure nahia itxura ona ematea zen; eta, ahal den neurrian, aurrera egitea. Egia esan, lehenengo partidua irabaztea ere ez genuen espero. Baina, poliki-poliki, aurrera joan gara eta indarra hartu dugu. Azken finean, gudan konfiantza hartu dugu.

Azken partiduan, Garralda eta Diezen aurka 22-13 irabazi zenuten. Nola gogoratzen duzu partidu hura?

Gu itxura ona ematera irten ginen; galdu egingo genuela uste genuen, baina ahalik eta ondoen jokatu gura genuen. Gero, partidua aurrera joan ahala, irabazteko gai ginela ikusi genuen, eta gudan sinisten hasi ginen. Hala, azkenean, irabazi egin genuen. Gainera, Garralda iazko txapel-duna da.

Zuen mailan, DV saria irabazteak zer esan gura du?

Afizionatu mailan, izen handia du sariak. Horregatik, izugarria izango litzateke irabaztea. Gainera, adinez, guk ezin dugu txapelketarik jokatu. Beste guztiak baino gazteagoak gara, kadete mailakoak gara gu.



Ibai Bolinaga.

GOIENKARIA

Nola definituko zenuke zure bikotekidearen jokoa?

Jaunarena oso bizia da. Pilota indar handiarekin jotzen du, oso bizi. Bestalde, sakez ondo dabilen pilotaria da, eta, airez, ondo moldatzen da.

Aurtengoa urte borobila izan da. Nola gogoratzen duzu ekainean Arrasateko irabazitako herri arteko txapelketa?

Polita izan zen; ez genuen espero txapelketa irabaztea. Baina, aurrera joan ahala, ilusioa hartu genuen. Ondo pasatu genuen; gainera, finala Arrasateko jaietan izan zen, eta txapela ospatzeko aukera ederra izan genuen.

Aurten, txapela berriz ere errepikatzea zaila ikusten dut. Kategoriaz aldatu gara: iaz, Agirregabiriarekin batera, kadete mailan jokatu nuen, eta aurten, Agirregabiria eta Zubizarretarekin, gazte mailan ibiliko naiz. Aurkariak indartsuagoak izango dira; hortaz, txapelketa zaila izango da.

Aurrera begira, nola ikusten duzu etorkizuna?

Ez dakit, poliki-poliki joan behar dugu. Profesional maila? Ez dut horretan pentsatzen!

Lau t'erdiko txapelketako finalerako, baduzu faboritorik?

Gurago dut Titinek irabaztea, baina uste dut Barriolak irabaziko duela. Titinen herri-joaten gara oportetara eta eza-gutu egiten dut.

Mendizabal antzuolarrak binakako DV sariko finalerdiak jokatuko txartela lortu du

DV sariko finalerdietan izango den beste debagoiendar bat Aitor Mendizabal antzuolarra izango da; izan ere, Mendizabal eta Jauregi bikoteak 22-11 irabazi zuten Urtasun eta Uzkuduni, zapatuan, Elgetan. Antzuolarra gustura zegoen egindako lanarekin: "Ondo jokatu dugu, eta gustura gaude lortutakoarekin". Gainera, Jauregi bikotekideak egindako lana azpimarratu gura izan zuen Mendizabalek.


Ez zen, baina, samurra izan zapatuko lehia; lehenengo minutuetan, Urtasun eta Uzkudun aurretik joan ziren (3-0). Gero, Mendizabal eta Jauregi lehia berdintzea lortu zuten (4-4). Handik aurrera, samur menderatu zuten norgehiagoka. Amaieran, puntu erdietan utzi zuten Urtasun eta Uzkudun bikotea (22-11).

Modu honetan, DV sariko finalerdiak jokatuko ditu Mendizabalek, abenduaren 6an, Urretxuko pilotalekuan; aurkariak Ongai eta Mariñelarena irurtzundarrak izango dira. "Kanporaketa oso zaila izango da; gainera, orain arte ez dut hauen aurka inoiz jokatu eta, hortaz, ez dut erreferentziarik", esan zuen Mendizabalek, aurkarietaz galdetzean. Mendizabal eta Jauregi finala eskuratzeko aukera polita izango dute.



Mendizabal, Elgetako pilotalekuan, zapatuan.

JOSETXO ARANZABAL



> **MUSIKA**
EH Sukarrak adin askotako jendea erakarri zuen 3.60 aretora > 27



> **ZARZUELA**
'El Duo De La Africana' estreinatu zuten Arrasaten > 27

> **RUPER ORDORIKA**
Oñatiarraren 'Memoriaren Mapan' diskoko abestiekin azken kontzertuak ikusteko aukera izango dugu datozen asteetan Euskal Herrian > 28



PAILAZOAK > PIRRITX ETA PORROTX ESKORIATZAN

Pirritxen, Porrotxen eta Mari Mototsen izenean, amen

Sekulako zalaparta eta ikusmina sortu ziren argiak kendu eta pailazoak agertzean

Pailazoen ikuskizun berrian, Mari Mototsek minbizia du, eta hari laguntzen saiatzen dira

MAIER URANGA > ESKORIATZA

Eskoriatzako kiroldegian izan ziten zita, zapatuan, Pirritx eta Porrotx pailazoen jarraitzaileek. 17:30ean, bakoitzak zegokion lekua hartuta, urduri zeuden euskal pailazo famatuena ikustera gerturatu ziren haur, gazte eta gurasoak. Sekulako zalaparta sortu zen argiak itzali eta pailazo koadrila taula gainera igo zenen. Mick Jagger berak ere ez luke horrenbeste zirrararik sortuko, seguruenera. Lehenengoz Pirritx eta Porrotxen ikuskizunaz gozatzera doan edonor harrituta geratuko litzateke jendearengan sortzen duten mirespena ikusita; izugarria da nola sartzen diren ikuskizunean bertara gerturatu direnak, abestiak jarraituz eta sekula ez bezala dantzatzu. Aipatzekoa da guraso askok haurrek baino hobeto pasatu zutela; hala, batzuk ahots gabe ere joan ziren etxera.

Ordu eta erdiko ikuskizun paregabea eskaini zuten, abesti berriak eta aspaldikoak tartekatuz. Eta, nola ez, *Maite Zaitut* kanta arrakastatsua azkenerako utzi zuten, kiroldegia guztiz zoratu zedin. Ikuskizuna amaitu zenean, pailazoen beti egin ohi duten legez, muxuak eta besarkadak banatzera jaitsi ziren jende artea, eta umeak, pozez lehertzen, pailazoen eta Mari Mototsen besarkadak jasotakoan.

'ESKERRIK ASKO'

Eskerrik Asko ikuskizun berriaren aurkezpena izan zen zapatuan Eskoriatzan egin zutena. Pailazoen badute lagun bat, Mari Motots, baina ez du mototsik,



BISITA Pirritx eta Porrotxek Mari Mototsi bisita egiten diote ospitalean.

JOSETXO ARANZABAL

minbizia duelako, eta ikuskizunean, lagunak eta pozik egoteak duen garrantziaz aritu ziren. Abestiak eta dantzak uztartuz pozik jardun zuten pailazoek.

Aspanovas Euskadiko Haur Minbizidunen Guraso Elkartearen Gipuzkoako sailarekin elkarlanean, minbiziaren aurkako borrokan, itxaropenez eta elkartasunean ekin behar dugula gogorarazi ziguten Pirritx eta Porrotx pailazo solidarioek.

Haur minbizidunaren eta bere familiaren bizi-maila hobetzea lortu gura du Aspanovas elkarteak, eta diagnostikoak eta gaixotasunaren garapenak sortzen dituen trabak gainditu ahal izatea, besteak beste. Garrantzitsua da minbizia duten haurrek beraien adinekoren ekintzetan parte hartzea, eta hori ahalbidetzen laguntzen dihardute pailazoek.

IKUSLEGOA



Pedro, John eta Aitziber
Eskoriatza

"Pedroren emazteak erosi zituen sarrerak, nahiz eta haur txikiaren zaintzen geratu behar izan zuen. Hala, hirurok etorri gara", esan ziguten. "Johni izugarri gustatzen zaizkio Pirritx eta Porrotx, baina abesten hasi diren arte, beldurtuta egon da; hori bai, pailazoak abesten hasi direnean, akabo beldur guztiak!"



Aratz Casado
Arrasate

Asko gustatzen zaizkio Aratzi pailazoak, "baina arrebak Ekheri, askoz gehiago", dio. Izan ere, batzuetan, beldurtu ere egiten baitzen arrasatear txiki hori.



Markel, Nahia eta Aratz
Aretxabaleta

"Asko gustatu zaigu ikusi duguna. Aratzi gehien Pirritx gustatzen zaion arren, besteak ere oso gogoko ditu", esan ziguten. Abesten dutenean pasatzen dute ondoen, eta abesti guztiak dituzte gustuko.



Kantari Bergaran



Eta berriz izango gara...kantari

MAIER URANGA > BERGARA

Atzo bukatu zen herriz herri ibili den *Kantari* karaoke ikuskizuna, Bergarako Jam aretoan. Oraingo honetan ere, guraso eta lagun mordoa gerturatu ziren, abesten ibili ziren ume eta gaztetxoak animatzera. Amaia Txintxurreta oñatiarraren gidaritzapean, azken saioa primeran joan zen, eta umeak ere oso pozik jaisten ziren taula gainetik. Guztira, 90 ume egon ziren, 24 taldetan banatuta.

Jam areto kanpoan, goxokiak eta antzekoak saltzen zituen furgonetatxoa ere bazegoen, gerturatzen zirenen beharrak asetzeko asmoz-edo.

Umeak, oraingoan ere, oso pozik ibili ziren gora eta behera, euren txanda noiz helduko zain, eta gurasoak eta lagunak han egote hutsak dardarka jartzen zituen. Abesten hastean, gehienak lotsatuta hasten ziren arren, amaieran, profesionalen antzera agurtzen zituzten eza-gunak agertokitik.

'KANTARI', TELEBISTAN

Herriz herri ibili den karaoke ikuskizunaren saio bakoitza telebistaz emateko grabatu dute; beraz, parte hartu duzuen guztiok eta zuzenean ikusteko aukerarik izan ez duzenok, oraindik gozatzeko tarterik ere izango duzue. Izan ere, GOITBn astero ikusi ahal izango duzue, martitzen eta eguenetan, 20:15ean hasita. Beraz, adi egon guztiok, eta gozatu, udazkenean ibarreko umeak kantuan eta dantzan jarri dituen ikuskizunaz.



PARTE-HARTZAILEAK



Sara, Aroa, Xabi eta Garazi
Kantari-ko partaideak

"Kortaturen *Sarri, Sarri* kantua abestu dugu. Hasieran oso urduri geunden, baina ondo irten da, eta kito. Gainera, lagun mordoa etorri da gu animatzera, eta guk bezala egin dute dantzan etorri direnek".



Ainhoa, Ane, Maider eta Saioa
Kantari-ko partaideak

"12 urte ditugu, eta Bergarakoak gara. Gure herriko Emon taldearen *Zergatik ez?* abestia abestu dugu, asko gustatzen zaigu eta hurrengoan ere abestuko genuke berriz. Hori bai, hasieran, urduri egon gara".



Beñat, Eneko, Markel eta Iker
Kantari-ko partaideak

"Ez gara oso urduri egon; bueno, hasieran, apur bat bai. Zaramaren *Iñaki* abestia kantatu dugu; hurrengo baten, akaso, besteren bat kantatuko genuke, baina asko gustatzen zaigu, eta asko entseatu dugu, gainera".



Unai, Ibon, Ander eta Gorka
Kantari-ko partaideak

"*Ilargia* abestu dugu: izugarri gustatzen zaigu eta ez genuke inondik inora aldatuko. Irailaz geroztik ibili gara entseatzeko, esan ziguten lau lagun horiek; gero, joan egin ziren agudo, "lagunek abestu behar dute eta".



Saioen emanaldiak GOITBn



NOIZ > Azaroaren 27an.
ORDUA > 20:15ean.
TALDEA > Alazne Agirre, Amaia Beitia, Julene Urrutia eta Miren Ugarte.
HERRIA > Oñati.
ADINA > 10 eta 11 urte.
ABESTIA > *Goizero.*



NOIZ > Azaroaren 29an.
ORDUA > 20:15ean.
TALDEA > Ainhoa Aznola, Alex Arribas, Leire Cabezas eta Leire Zubillaga.
HERRIA > Aretxabaleta.
ADINA > 10 eta 11 urte.
ABESTIA > *Galdurikan nago.*



NOIZ > Azaroaren 27an.
ORDUA > 20:15ean.
TALDEA > Ainhoa Barrena, Ainhoa Perez, Carmen Espinosa eta Maider Usandizaga.
HERRIA > Oñati.
ADINA > 10 eta 11 urte.
ABESTIA > *Lau teilatu.*



NOIZ > Azaroaren 29an.
ORDUA > 20:15ean.
TALDEA > Ainhoa Elkoro-barrutia, Maialen Zugasti eta Maider Errasti.
HERRIA > Aretxabaleta.
ADINA > 7 eta 8 urte.
ABESTIA > *Maite zaitut.*



NOIZ > Azaroaren 27an.
ORDUA > 20:15ean.
TALDEA > Desiree Astui, Guadalupe Teixido, Leire Zabarte eta Nagore Elortza.
HERRIA > Oñati.
ADINA > 7 eta 8 urte.
ABESTIA > *Furra, furra.*



NOIZ > Azaroaren 29an.
ORDUA > 20:15ean.
TALDEA > Anne Paul, Iratxe Gomez, Juncal Gonzalez eta Nagore Balantzategi.
HERRIA > Aretxabaleta.
ADINA > 7 eta 8 urte.
ABESTIA > *Katuen testamentue.*



NOIZ > Azaroaren 27an.
ORDUA > 20:15ean.
TALDEA > Jone Biain, Miren Sanz de Galdeano, Nerea Elortza eta Uxue Zabaleta.
HERRIA > Oñati.
ADINA > 9 urte.
ABESTIA > *Arratsalde honetan.*



NOIZ > Azaroaren 29an.
ORDUA > 20:15ean.
TALDEA > Garazi Ortiz de Mendibil, Itxaso Urrutia eta Unai Diez.
HERRIA > Aretxabaleta.
ADINA > 10 urte.
ABESTIA > *Kaiser Sose.*



NOIZ > Azaroaren 27an.
ORDUA > 20:15ean.
TALDEA > Bibiñe Urtzelai eta Nagore Marrero.
HERRIA > Oñati.
ADINA > 9 urte.
ABESTIA > *Eskutitza.*



NOIZ > Azaroaren 29an.
ORDUA > 20:15ean.
TALDEA > Leyre Fernandez de Antoña eta Nahia Gomez.
HERRIA > Aretxabaleta.
ADINA > 9 urte.
ABESTIA > *Arratsalde honetan.*



PUNTEOA Norton, gitarrarekin, ezkerrean, eta Cesar, baxuarekin, eskuman.

IMANOL SORIANO

MUSIKA > KONTZERTUA

Belaunaldi askotako jarraitzaileak batu ziren EH Sukarra entzuteko

'Norton'-ek behin eta berriz eman zituen eskerrak, Arrasate bihotzean daramala esanez

Laster kaleratuko duten zuzeneko diskoa grabatu dute aurten, Durangoko Plateruenean

MAIER URANGA >ARRASATE

Nahiz eta inguruan musika zita ugari egon, 3.60 aretoan, EH Sukarra Eibarko talde mitikoaren jarraitzaile asko bildu ziren bari-ku gauean.

Gaueko hamaiketan zen hitzordua, eta puntual ekin zioten kontzertuari taldeko hiru kideek, izan ere, orain hiru baino ez dira. Adin guztietako ikusleak gerturatu ziren Arrasateko aretora, 14 urteko Oñatiko neska koadrila batetik hasita, EH Sukarraren lehenengo kontzertuak ikusita zitzuztenetara. Talde bakarra ikusi genuen bertara gerturatu ginenok, baina nahikoa, denbora luzez jo baitzuten, jendea eskainitakoarekin pozik utziz. *Lau teilatu, 10 urte gartzelan*, edo ... *gurea da EH Sukarra* abestu zituzten, eta bertan zegoen jendea 15 urte atzera bidaiari jarri zuten, aspaldiko kontu eta kantuak gogoratzen, momentu batez denboran bidaiatuz.

MIKEL, POZIK

Behin eta berriz eman zituen eskerrak Mikel Gorosabel *Norton* abeslari eta gitarrak. Arrasate eta arrasatearrak bihotzean daramatza, garai batean bertan bizitakoa baita. Denbora goxo eta ahaztezinak pasatu zituen herrian; *Nerbixuak* abestia, adibidez, Arrasaten jaiotakoa da,

kaletik Zigorrola auzorako bidean hain zuzen ere. Itxura denez, *Norton* Zigorrolan bizi zenean, kaletik etxera zihoala, inspirazioa bisitan etorri eta kanta sortu zuen horrela.


ZUZENKOA

Aurtengo maiatzaren 11ean grabatu zuten lehenengo zuzeneko EH Sukarra taldekoek, Durangoko Plateruena antzokian. Ez daukate abesti berririk prestatuta, izan ere, beste talde batzuekin ere badabil Mikel lanean, Norton Klub, esaterako. Hala ere, kontzertuak emateko gogotsu daude, eta lehenengo zuzeneko kaleraizteko ere bai. Musikari bati, hori ei da bizitzeko eta jarraitzeko indarra ematen diona: zuzenean musika eskaintzea, alegia.

Mikel Gorosabel > EH Sukarreko abeslaria

"EH Sukarraren estreinako zuzeneko kaleratuko dugu laster"

M.U. >ARRASATE
Mikel Gorosabel da EH Sukarraren arima eta bihotza, hasiera-hasieratik baitago taldean, gitarra jotzen eta abesten.



MAIER URANGA

Kontzertu berezia izango da Arrasateko zuzeneko, ez?

Bai; oso maite dut

Arrasate, hemen bizi izandakoa naiz, orduko oroitzapen oso onak dauzkot eta nire bihotzaren zati bat Arrasatekoa da.

Itxura berbera daukazun arren, dagoneko aitatzu ere bazara. Aldatu du horrek musika ikusi eta ulertzeko zure ikuspuntua?

Ez, oraindik ez; umeaksei hilabete baino ez ditu. Hori bai; egunak askoz motzago sumatzen ditut.

Azken lana 2002an argitaratu zenuten; zein plan duzue orain?

Aurten, Durangoko Plateruenean zuzeneko grabatu dugu, eta kaleratzeko asmoa daukagu. EH Sukarraren lehenengo zuzeneko izango da.

Gorosabel abizena pisu handia da? Ez duzue batera jotzea pentsatu?

Norton Klubean aintzira ere badago, eta lehenengo diskoan Aitorrek sartu zuen bateria. Anaien artean zailagoa da guztia, baina ondo legoke.

ZARZUELA > ESTREINALDIA

Amaia Antzokia, beteta zarzuelako lehen astean

Sarrera batzuk saldu ez ziren arren, Amaia bete egin zen zapatu eta domeka arratsaldean

M.U. >ARRASATE

Zapatuan eta domekan, biak ala biak 19:30ean, *El duo de la africana* zarzuela ikusi ahal izan zuten Arrasateko Amaia antzokian bildu zirenek. Urtero moduan, jende pilo bat zuten Izaskun Murgia Lirika Elkar- teak prestatu eta antzeztutako emanaldiak ikustera. Aurten- go lana komikoagoa da; ez dago pertsonaia komikorik, baina

zarzuela obra bera komikoa da. Jendeak primeran pasa zuen antzezlanarekin, eta gustura barre egin zuen une askotan.

HURRENGO EKITALDIAK

Aste bukaeran joaterik izan ez duzuenok oraindik garaiz zabil- tzate, datorren aste bukaeran, azaroaren 30ean eta abendu- arren 1ean, zarzuela horren beste bi emanaldi egongo dira-eta.



ZARZUELA Protagonistak, abesten.

JOSETXO ARANZABAL



ANTZOKIAN Oñatiko bandaren kontzertua.

JOSETXO ARANZABAL

MUSIKA > SANTA ZEZILI EGUNA

Lau oñatiarrek 25 urte bete zituzten bandan jotzen

Santa Zeziliko kontzertua aprobetxatuta, omenaldia egin zieten bandako beste kideek

M.U. >OÑATI

Zapatu arratsaldean aurkeztu zuten Tailer I, 4-5 urteko Oñatiko abesbatza talde berria. Ez ziren bakarrik egon, izan ere, Oñatiko TailerII, Ganbara Txikitxo eta Ganbara Txikiz gainera, Arrasateko Goikobalu Txiki eta Gazteek ere parte hartu zuten. Jendez gainezka egon zen kontzertua, eta guraso batzuk kanpoan geratu ziren. Ostean, luntxa egin zuten.

Atzo, berriz, 12:30ean, Santa Zezili eguneko Oñatiko bandaren kontzertua egon zen. Bandan 25 urtez partaide diren Mikel Guridi, Judith Olalde, Felix Biain eta Bixente Ibarrondo omentzeko ere aprobetxatu zuten, eta bandako urrezko intsignia eman zitzaizen.

Urtero bezala, beste herri batzuetan ere Santa Zeziliko emanaldiak egon ziren: Antzuolan, Bergaran, Eskoriatzan...

Oñatin jaio zen 1956an, nahiz eta gaztetan Gasteizera bizi izatera joan. Betidanik ibili da musika munduan lan eta lan, geldi egoteko astirik hartu barik. Horregatik, akaso, Euskal Herriko artista aipagarrienetako bat dugu Ruper Ordorika. Inoiz baino gertuago, intimoago eta ederrago gerturatu zen domekan Elgetako Espaloira, 'Memoriaren Mapan' azken lanarekin.

Ruper Ordorika > Musikaria

"Nik arrakastaz ezer gutxi dakit; niretzat, musikan ibiltzea da arrakasta"

MAIER URANGA > ELGETA

Atzo, domeka, egin zuen Elgetan *Memoriaren Mapan* laneko azken kontzertuetako bat. Aitzaki hori hartuta, Ruperrekin izanginen, bere bizitzaren gainean berbetan. Itxuririk ez duen arren, 51 urte ditu oñatiarrak; horrela uler daiteke izan duen ibilbide luze eta aberatsa.

Goazen hasierara: 1977-80an, Pott Banda izeneko literatur taldeko partaide izan zinen.

Aspaldiko kontuak dira... Astero elkartzen ginen sei lagun, irakurtzeko, eztabaidatzeko... Guretzat propio garrantzitsua izan zen, baina ez dut uste hain jakitun ginenik. Uste dut Bernardo Atxagarengatik sortu zela ideia. Aldizkari moduko bat argitaratzen genuen. Lorpen handiena *Etiopia* argitaratzea izan zen, Atxagaren lehenengo poema liburua. Gero, bakoitzak bere bideari jarraitu genion.

Talde horretatik lortu dituzu zure abestietako hitz asko, ez?

Bai, bueno; lehenengo diskoa egin nuenean, *Hautsi da Amphora* (1980), orduan guztiz ezezagun zen Bernardo Atxagaren hitzak erabili nituen, ez zituen niretzako idatzi. Badira salbuespenak, hala ere: kasu pare batean, kantatzeko moduko testuak egin zituen, baina gehienak ez ziren niretzat egindakoak. Azken diskoan, bai, hor badira abesteko propio egin diren hitzak.

80ko hamarkadan, Euskal Punk Erradikalaren mugimendua zegoen arren, zuk zure estiloan, orduan ere. Ze orotzapen dituzu?

Oso onak; nire lagun gehienak taldetakoak ziren, Bilbon edo Gasteizen ibiltzen nintzen orduan. Hertzainak taldekoekin, konkretuki, asko, harreman oso ona genuen, lehenengo diskoan neuk ere abestu nuen, eta hirugarrena nik ekoiztutakoa da. Bakoitzaren lana desberdina zen arren, eguneroko bizitzan, batera ibiltzen ginen; zaletasun berberak genituen denok.

Ez da posible 1990ean, eta ondoren, Mugalaris-ekin hasi zinen, zer dela eta?

Mugalaris izen hori asmatu nuen adierazteko hasieratik egin dudana gauza bat, esateko ez nagoela bakarrik. Mugalaris horiek etengabe aldatzen dira eta aldaturiko dira.



Ruper Ordorikak kontzertua egin zuen atzo Elgetan.

JOSETXO ARANZABAL

80KO HAMARKADA

"Hertzainak taldekoekin harreman oso ona nuen. Eguneroko bizitzan, batera ibiltzen ginen"

New Yorken ere ibilia izan zara. Musikari internazionala zara?

Ez da beharrezko kanpora irtetea, baina niretzako oso garrantzitsua izan da. Kanpoko musikarekin nahasteak, edo bategatik bestera ibiltzeak asko balio du. Ez nuke jakingo esaten zer

'MEMORIAREN MAPAN'

"Aldaketa erradikala izan da niretzat Jon Pirisekin bakarrik ibiltzea disko hori ateratzeko"

ikasi dudana. Ez dakit zein gauza bitxi gertatzen den kanpora joaten garenean, baina argi dago zerbait badela, aurreiritzi eta ohitura asko kendu egiten ditugulako burutik, eta aberasgarri dira gertatutakoak gure burua hobeto ezagutzeko. Bakardadea ere izan daiteke, akaso, bai.

HIRU TRUKU

"Hiru-Trukurekin egindako lanarekin lasai geratu nintzen; oso pozgarria izan zen posible egitea"

Hiru Truku ere bai?

Betidanik eduki dut euskal abesti zaharrekiko zaletasuna, nahiz eta rockarekin lotu nire burua. Urretan, kantu ezezagunak batu izan ditut, eta, kalera ateratzeko orduan, Tapia eta Bixente Martinezekin elkartu eta hiru disko atera ditugu. Oso harrera

ona izan zuen hirukoteak, eta egindako lanak asko lasaitu nituen; oso pozgarria izan zen.

Beti taldean ibiltzetik, azken lan hau Jon Pirisen konpainia apalean aurkeztu duzu?

Azken diskoaz geroztik, biok gabiltza taula gainean, eta aldaketa aski erradikala izan da niretzat: asko ikasi dut aurtan, eta oso arrakastatsua izan da, gainera.

Badago alderik taldean edo bikoteka ibilita?

Kantua gailentzen dela uste dut. Gertuagoa da, eta berbak, nabarmenagoak. Beste modu batera entzuteko ikuskizuna da.

Donostian, Victoria Eugenia, izango da *Memoriaren Mapan* kontzertu birako azkena?

Bai, Donostiakoa izango da itxiera kontzertua. Inon ez dut bi aldiz jo erreperitorio hau, eta polita iruditu zitzaidan, eskaini zidatenean, Donostian hasi eta bukatzea. Ospatu beharra dago, hasieran dudak izan nituen arren.

Nondik nora ibili zarete kontzertuak ematen?

Euskal Herrian kontzertu mordo eman ditugu; Espainian ere bai, asko. Ingalaterran eta Txekian ere ibili gara, baina literatura festibaletan, Ingalaterran kaleratutako euskal liburu baten kontura, *Six Basque poets*; baina, gehienbat, Euskal Herrian eta Espainian.

Eta, gainera, aurreko urteko urrian, Bilboko Kafe Antzokian grabatutako lana kalera-terako asmoz, ez?

Bai, otsailean kaleratuko da; hasieran Durangoko azokarako izan behar zuen arren, konturatu nintzen *Memoriaren Mapan* oraindik ere oso bizirik zegoela, eta ez nuen batak bestea jaterik nahi. Lasai, otsaila amaieran aterako dugu.


Musikari batek arrakasta izan dezan, geldi ez egotean dago arrakasta?

Nik arrakastaz ezer gutxi dakit. Arrakasta, niretzat, hontan ibiltzea da, nor bere zaletasunekin ikasten eta urrutia gozatu hiltzen.

Zein asmo dituzu, bada, aurrerantzean?

Diskoa atera eta Mugalaris taldea sortzen hasiko naiz, badugu aldatzeko garaia eta.

kuxkuxeroa



Arantzazu Ezkibel

Otsoaren eta artzainaren ipuina

Urtea aurrera doa, eta Gabonak gero eta gertuago ditugu. Gutxi falta da oporrak hartu eta **Olenzeroren** bisita jasotzeko; baita, Urtezahar gauean, kalera irten eta 2008ari ongiatorria egiteko ere.

Gure herrietako kale batzuk hasi dira apaintzen; baita dendak ere. Oñatin gastatu behar omen dugu diru gehien argiak ipintzen. **Huescar-ko dukea** eta **Koplowitz** hobeto ikusteko izango da!, esango zuen otsoak... Horren harira, kontuz ibiltzeko esan didate, aurreko astean ez

"Eskoriatzako Ardo Egunean, ederto pasa zuen Arrasateko koadrila batek parrandan"

nuen-eta idatzi "ustezko ezkontza". Badaezpada, inork auzitara eraman aurretik...

Bestalde, joan den aste bukaeran, ardo-dastatzea egon da Eskoriatzan, Ardo Egunean barruan. Han, Arrasateko koadrila batek majo pasatu omen zuen, basoerdiak edan eta edan. Hori ere, ustezko parrandan utziko dugu...

Ardoa ez, baina euria, behintzat, ugari bota du egun hauetan. Ez dut uste gurean ur faltan egongo garenik! Donostiako maratoian izan zirenak ez ziren busti, baina hotza, tremendakoa pasa omen zuten. Hori esan digu **Ritxar Fernandezek**, behintzat. Lasterketa Grosen utzi behar izan zuen, eta handik Anoetaraino, oinez joan zen; izugarrizko hotza pasa zuen atleta oñatiarrak.

asteburuko albuma



Gaztaina erreak Basabeazpin. Azaroaren 16an, Aitona-amonen Eguna ospatu zuten Aretxabaletan, Basabeazpin. Mariano Calvo, Joxe Antonio Elexpuru eta Txomin Otxoa aitonek martxan ipini zituzten, ikastola aurrean, danbolinak. Gero, gainontzeko aitona-amonak gerturatu ziren jaira. Gaztaina erren dantza egin ondoren, umek eta irakasleek gaztainak jan zituzten aitona-amonekin, eta, hotza egin arren, arratsalde paregabea pasatu zuten.



Ardo-dastatzea. Aitzorrotz elkarteak antolatuta, ardo-dastatzea izan zen zapatuan Eskoriatzan. Azoka kutsua eman diote aurtengo ekitaldiari, eta hiru ardan-degik ekarri zituzten urteko, ondutako eta erreserbako ardoak: Larchago, Son-sierra eta Manso Anaiak. Eguraldi hotzari aurre eginez, ardoarekin berotu zituen barruak batek baino gehiagok. Gainera, Valentin Lopez Kerexetaren eskutik, Mendraka txakolinaren gaineko argazki emanaldia ikusteko aukera ere izan zen.



Mus txapelketa. Berehalako Mus Txapelketa jokatu zuten atzo arratsaldean Mondragon hotelean. 32 bikotek eman zuten izena, eta hauek izan ziren lehenengo laurak: Jose Joan Zubizarreta eta Emilio Uribesalgo, txapeldunak, argazkian (640 euro, urdaiazpikoa eta txapela), Oskar Sanchez eta Ivan Rodriguez (320 euro eta bi botila handi xanpain), Tomas Izagirre eta Javier San Sebastian (192 euro, ardoa eta gazta) eta Andres Amador eta Juantxo Blanco (ardo kaxa).




Udazken jaia. Eguaztenean, azaroaren 21ean, Udazkeneko Festa egin zuten Leintz Udal Euskaltegian, Aretxabaletan. Merienda egin zuten lehenengo, eta, besteak beste, gaztainak eta txistorra jan zituzten, eta baita txakolina edan ere. Dena dela, guztia ez zen jana eta edana izan udazken jaian. Jolaserako eta lehiarako aprobetxatu zuten aukera: hieroglifikoen jolasa, abestiak, txis-teak... izan ziren, eta Irabazleek diplomak eraman zituzten etxera.



Batzoki eguna. Bergarako EAJkoek urtero, azaroko azken asteburuan, Batzoki Eguna ospatzeko ohitura dute. Sabino Arana hil zeneko urtemugarekin bat eginez ipintzen dute hitzordua, eta aurten, zapatuan, hilaren 24an, elkartu ziren. Meza entzun zuten iluntzean Moja Zaharretan, eta urtean barrena hildako alderdikideak gogoan izan zituzten. Ondoren, batzokian elkartu ziren 40 lagun inguru afaritarako, eta berriketan gozatu zuten afalostea.

ezkontzak



Yolanda Sanchez eta **Iker Mendiluze** arrasatearrak zapatuan, azaroaren 24an, ezkondu ziren Aizarnazabalen. Bazkaria Zestoan egin zuten, eta bidaiari, Venezuelara joan dira. Zorionak eta musu handi bana, Jone eta Miren Bergarako lehengusinen partetik!

hildakoak

- **Santiago Lafuente Otxoa.** Arrasaten, azaroaren 15ean. 54 urte.
- **Victoriana Basterra Rodriguez de Iurre.** Arrasaten, azaroaren 14an. 91 urte.
- **Mari Carmen Garitano Areitio.** Bergaran, azaroaren 17an. 63 urte.
- **Angel Agirre Astaburuaga.** Arrasaten, azaroaren 17an. 82 urte.
- **Maria Jesus Lodoso Bergaretxe.** Arrasaten, azaroaren 17an. 86 urte.
- **Miguel Etxezarreta Galdos.** Oñatin, azaroaren 18an. 79 urte.
- **Manoli Varona Fuentes.** Bergaran, azaroaren 18an. 88 urte.
- **Julia Iartza Egaña.** Oñatin, azaroaren 20an. 89 urte.
- **Tomas Otxoa Gartzia Etxabe.** Aretxabaletan, azaroaren 21ean. 76 urte.
- **Jacinto Ziarsolo Alberdi.** Bergaran, azaroaren 21ean. 73 urte.
- **Sotera Gorrotxategi Etxeberria.** Bergaran, azaroaren 22an. 85 urte.
- **Iñaki Olabarria Arana.** Bergaran, azaroaren 23an. 53 urte.

ESKELA

Iñaki Olabarria Arana

Bergaran hil zen 2007ko azaroaren 25an, 53 urte zituela.

*Zu joan zara,
baina zuk utzitakoa
gurekin gelditzen da.*



Lagun koadrila.
Bergaran, 2007ko azaroaren 26an.

ESKELA

Iñaki Olabarria Arana

Bergaran hil zen 2007ko azaroaren 25an, 53 urte zituela.

*Elkarrekin momentu
alai eta biziak pasatu ditugu.
Ondo izan, Iñaki.*



Tio Martin, tia Lide eta Barrenkaleko lehengusu-lehengusinak.
Bergaran, 2007ko azaroaren 26an.

zorion agurrak



ARETXABALETA

Leire Elizondo eta Eider Martinez
Azaroaren 1ean eta 21ean, 7 urte. Zorionak, etxekoen eta lagun guztien partetik!



OÑATI

Maialen Altuna
Azaroaren 23an. Aupa, Maial, zorionak kuadrilakuan partetik. Egon trankil, guapa, zelebraukitu eta!



ARRASATE

Martxel Bengoa
Azaroaren 23an, 5 urte. Zorionak, Jokin, Maider, Ainhoa, Luken eta Uxueren partetik!



ARETXABALETA

Danel Seijo
Azaroaren 25ean, 7 urte. Zorionak eta muxu handi bat, etxeko guztien partetik.




ARRASATE

Aida Otadui
Azaroaren 25ean, 11 urte! Zorionak! Patxo haundi-haundi bat etxeko danon partetik!



OÑATI

Miren Lardizabal
Azaroaren 26an, urtebetetzea. Zorionak eta muxu handi bat, Manex, Sara, Jon eta Anaren partetik.




ARRASATE

Aratz Narbaez
Azaroaren 26an, 4 urte. Zorionak, etxeko bihurritxo! Patxo bat familia-aren partetik!




ARRASATE

Karen Ruiz Arana
Azaroaren 26an, urtebetetzea. Zorionak, wapisimal! Etxekoen partetik. Muxu haundi bat.



ELGETA

Josu Zabala
Azaroaren 29an, urtebetetzea. Zorionak zure egunean, Elgetako lagunaren partetik!



PARTE HARTU

Kintadak,
aste bukaerako
ezkontzak,
txutxu-mutxuak...

Tarte hau zure txokoa da, irakurle.

Ekar ezazu argazkia eta azalpena edo bidali honako helbidera:
astelehena@goiena.com

jaiotakoak



Aitor Montaño Fernandez

Bergara > 3,610 kilo. Gurasoak: Dorleta (Bergara) eta Angel (Bergara). Argazkian, Aitor jaioberria, amama Loren eta lehen-gusina Nazarethekin.



Maite Caceres Martin

Arrasate > 2,760 kilo. Azaroaren 19an. Gurasoak: Jone (Arrasate) eta Florencio (Arrasate). Argazkian, Maite jaioberria, amarekin.



Manex Madinabeitia Benavent

Aretxabaleta > 3,280 kilo. Azaroaren 20an. Gurasoak: Itziar (Donostia) eta Oskar (Aretxabaleta). Argazkian, Manex jaioberria, kuman.



Haizea Makinai Murgoitio

Soraluze > 3,360 kilo. Azaroaren 19an. Gurasoak: Leire (Soraluze) eta Angel (Soraluze). Argazkian, Haizea jaioberria, kuman, lo.



Ainhize Lopez de Aretxabaleta Sanjulian

Arrasate > 3,500 kilo. Azaroaren 19an. Gurasoak: Enkarni (Arrasate) eta Kepa (Gasteiz). Argazkian, umea, amarekin.



Eva Rodriguez Pera

Bergara > 2,800 kilo. Azaroaren 20an. Gurasoak: Sandra (Bergara) eta Hugo (Bergara). Argazkian, Eva jaioberria, kuman, lo.



Lander Iñiguez Porcel

Arrasate > 3,820 kilo. Azaroaren 20an. Gurasoak: Ainhoa (Arrasate) eta Haritz (Arrasate). Argazkian, Lander jaioberria.



Itzea Umerez Zubikarai

Arrasate > 3,800 kilo. Azaroaren 21ean. Gurasoak: Leire (Arrasate) eta Esteban (Arrasate). Argazkian, Itzea jaioberria.



Iker Gomez Gimbert

Bergara > 3,050 kilo. Azaroaren 21ean. Gurasoak: Sonia (Bergara) eta Carlos (Bergara). Argazkian, Iker jaioberria, kuman lo.



Aimar Hernandez Fuentes

Arrasate > 3,100 kilo. Azaroaren 23an. Gurasoak: Yoli (Arrasate) eta Oliver (Aretxabaleta). Argazkian, Aimar jaioberria, kuman.

BABESLEA

IKUSI MAKUSI

Umeen paradisia

Lazarraga 4 OÑATI 943 08 23 32

Asier Serrano > Idazlea eta musikaria

"Helmugak ez dit axola; bidea egiteak, bai"

IKER BARANDIARAN > ARRASATE
Asier Serrano eibartarrak bi liburu eta disko bat kaleratu ditu aurtun. Aspaldian, literatura eta musikagintza uztartzen ditu, haur hezkuntzan egiten duen lanarekin batera. Batzuek Lorelei taldearen-gatik ere ezagutuko dute.

Umetan, bihurria eta alperra zinen...

Bai; ikasketetarako, alperra nintzen. Mendi aldera joaten ginen txabolak egitera, fabrika hutsetan barrabaskeriak egin... Baina orain, irakasle lanetan ikusitakoak ikusita, uste dut santu samarrak ginela.

Institutu garaian, klasean, marrazkiak eta poesia zirriborroak egiten hasi zinen, ezta?

Bai; disimulatzeko aproposa zen, bai eskolan eta baita etxean ere. Gerora, damutu izan naiz ikasketekiko jarrera hori izateaz.

Baina Magisteritza ikasteaz ez zara damutuko...

Ez, inondik inora, oso lan talde ona izan nuelako. Horrez gain, oso pozik nago euskal kultura eta

euskara gehiago maitatzen ikasi nuelako. Orduan, Asier alperre desagertu egin zen.

Eta Asier marrazkilaria desagertu da?

Ez. Adibidez, eskolan, tarte-ka, umeendako marrazkiak egiten ditut; eta saiatu nintzen nire bakarkako azkeneko diskorako marrazkiak egiten, baina, azkenean, ez genuen egin.

16 urterekin, argitaletxe batera jo zenuen, zure poema batzuk kaleratzeko asmoz...

TEST-A

Herria: Eibar. **Adina:** 32 urte. **Ikasketak:** Magisteritza. **Zaletasunak:** Bidaiatzea, kirola egitea eta lagunekin afariak egitea. **Nora egingo zenuke bidaia bat?** Anaiarekin joaten naiz bi urtean behin. Kanada edo Annapurna errepikatuko nituzke. **Betetako amets bat?** Bizitza pribilegiatua izatea. **Idazle bat?** Izugarri gustatu zait Jose Saramagoren *Ensayo sobre la ceguera* berriro deskubritzea. **Disko bat?** Itoizen *Ezekiel*.


Bai; aitak lagunduta, elkar-rrizketa bat lortu nuen Susakoe-kin. Batzar oso interesgarria izan zen, nahiz eta nire poemak baztertu egin zituzten. Asko ikasi nuen orduan, eta Lubaki Banda ere horren ondorioz sortu genuen.

Bakardadearekin eta etxear-ekin lotzen dugu idazlea; eta zuk, berriz, kirol asko egin duzu.

Bai, beti egin dut kirola. Inoiz ez naiz lehiakorra izan, gurago dut bakarrik ibiltzea. Behobian eta maratobietan ibilia naiz, baita Kilimanjaron ere, baina helmugek ez didate axola.

Poltsikoan daramazu oraindik familiakoen argazkia?


Bai. Orain dela urte batzuk konturatu nintzen urtebetean bi bider bakarrik bisitatu nituela, eta argazkia hartu nuen. Zarautzen 10 bat urte egin ostean, Eibar-rrera bueltatu naiz, eta orain, egunero ikusten ditut. Oso lotura berezia daukat gurasoekin, baina ez da fisikoa. Konfiantza dute nigan, eta oso gaztetatik soka barik utzi ninduten aske.



LITERATURA Liburu bi kaleratu ditu aurtun Asier Serrano bihurriak. I. BARANDIARAN

www.goiena.net

Aurrerantzean, bazar txinatarrek ezingo dute jaiegunetan zabaldu. Ondo iruditzen zaizu?



biharamuna

Marijo Deogracias


Inporta denari, lehentasuna

Hedabideei deigarria egiten zaiena alde batera laga eta inporta denari lehentasuna emateko" dei egin zuen Rosa Maria Calaf kazetariak. Bere ibilbideagatik telebistaren sari nagusia eman diote TVE1eko albistegien nazioarteko kazetariari. Bere estatusak lagunduta-edo, dei egin die telebista kateetako nagusiei informazioaren alde egin dezaten, eta kazetariei, prekarietateak dakarren kalitatearekiko utzikeriari aurre egiteko. Txalo zaparrada jaso zuen **Buenafuentek** aurkeztu zuen saioan. Neuk ere, etxeko saloitik, txalo egin egin nion Calafi; eta gogora

etorri zitzaidan **Andoni Ortuzar**, EITBko zuzendari nagusia: Euskadi Irratiaren 25. urteurreneko jaian, **Patxi Bazterrika** eta **Odile Krutze-taren** ondoren egin zuen berba. Bakarria izan zen kartulinak eskuan zituela aritu zena; BBBko lehendakari denerako, EAJko prentsa arduradun **Amatño**-klana badauka (dago-kionak erantzuteko baimena badauka). Horixe izan genuen gogoan inguruan ginenetako batzuk, batez ere, atzo bertan *Correo*-n **Jobubi**-a dela zioenean (jovenes burukides bizkaitarras). Euskararen Legeak 25 urte bete dituela-eta ekarri nahi izan dut gogora gaia.



eguraldia



MINIMOA
+04

MAXIMOA
+13

Ipar-ekialdeko haizea egingo du, bolada gogor batzuekin, eta hodeiak ekartzen jarraituko du. Temperatura, bere horretantxe.

www.euskalmet.euskadi.net

Euskal soinu eta irudiak zure eskura!

SOINUAK: Bidali, GIPE hutsunea **KODEA**
ABESTIAK: Bidali, GIPP hutsunea **KODEA**
LOGOAK: Bidali, GIPL hutsunea **KODEA**
JOKOAK: Bidali, GIPJ hutsunea **KODEA**

5767 zenbakira

SMS bakoitzeko: **1,2 € + Beza**

smsoinu

Poltsikoko telefonorako euskal soinu eta irudiak

ABESTIAK POLIFONIKOAK (2 sms)
Abestiaren izena (Abestaria) | **KODEA**

<p>Pop-Rock Aitormena (Hertzainak) AITORMENA Aizkolari (Kortatu) AIZKO Amore amore (Kardadeko benta) AMORE ASKATA Askatasun egariz (Lin Ton Taun) BEGIAK Begi okertuta (Lin Ton Taun) BEGIAK Bi Minutuero (Hertzainak) BIMINU Dub manifest (Femin Muguruz) DUB Egunero (Hertzainak) EGUNERO EH Sukarra (EH Sukarra) SUKAR Eks dizen mierda, nosotros amen (La Polla) ELLOS Enamorado de la muerte (RIP) ENAMO Entzuidazu (Aterking's) ENTZU Etorrizuna (Etsaiak) ETORKI Ezer ez da betiko (Ken7) EZER Gora Herria (Negu Gorriak) GORA</p>	<p>Hator Be-Air (Bide Ertzean) BELAIR Haizea (Ken7) HAIZEA Hegal egiten (Itoiz) HEGAL Ikusi (Delirium Tremens) IKUSI Ilargia (Ken7) KEN Inperuen ate joka (Gatibu) INPER Jokin Uraini Hitzak (Bide Ertzean) JOKIN Kaixo (Urtz) KAIXO Lau Teillatu (Itoiz) LOIZLAI Laztana (Latzen) LAZTA Lotuta egon arren (Kokein) LOTUTA Loreboa (EXXJU) LORE Marea Gora (Itoiz) MAREA Musturrek sartunde (Gatibu) MUSTURREK Nicaragua (Kortatu) NICA</p>	<p>No time for love! (Hertzainak) NOTIME Salve (La Polla) SALVE Sari Sari (Kortatu) SARRI Sorginen leizean (Exkiku) SORGIN Txabo (Zarama) TXATXO1 Txus (La Polla) TXUS</p>	<p>Folk Arratsalde honetan (Sotzen Bala) SOROTAN Bai euskarari (Paraboa) BAI Bakezaleak (Anja Duhalde) BAKE Bizkaia Maita (Benito Lertxundi) BIZKAIA Eperak (Anja Duhalde) EPERRAK Euskal Herrian Euskaraz (Osakmi) EUSKAL Euskaldun berriaren balada (Osakmi) EUSKALDUN</p>	<p>Ez da posible (Ruper Urdorika) POSIBLE Furra Furra (Osakmi) FURRA Galziera noa (Osakmi) GALZIERA Gemikako Arbola (Gonzal Mendibil) GERNIKA1 Haika Mutil (Mikel Laboa) HAIKA Izarren hautsa (Xabier Lete) IZARREN Lepoan hartu ta (Paraboa/Peto) LEPOAN Marinelaren zai (Sotzen Bala) MARINE Nere herriko neskatza maita (B.Lertxundi) NERE Non geratzen den denbora (Mikel Urdangarín) NON O! Ama Euskal Herria (Lertxundi) OIAMA Tirauki (Osakmi) TIRA Txabamabalinabu (Mikel Urdangarín) TXATXA Txoria boiri (Mikel Laboa) TXORIA Zaindu maita duzun hori (Ruper Urdorika) ZAINDU</p>
---	--	--	--	---

LOGOAK (2 sms)
KODEA

<p>ZINEMA JAKO AL GARA ZINEMAT</p>	<p>AIZKORAK</p>	<p>GLOBUAK</p>	<p>EGUZKILORE3</p>	<p>NIREKIN</p>	<p>SORGINGA</p>
---	------------------------	-----------------------	---------------------------	-----------------------	------------------------

OHARRAK
1. BATERAGARRITASUNA: Begiratu zure poltsikoko telefonora bateragarria den eskaintzen ditugun produktuekin, helbide honetan: www.smsoinu.com/bateragarri
Bertan jasoko duzu beharrezko duzun informazio guztia.
2. BALDINTZAK: Edukiak eskuratzeko, beharrezkoa da GPRS sistema aldatuta izatea. GPRS sistema aktibatuzko, jar zaitze zure hornitzailearekin harremanetan. Alta ematea doan da eta Ki jantiera bakarrik ordaindu beharko duzu. Kasu guztietan deia eta GPRS sistemari alta ematea doan dira.
* Euskaltel: deitu 900 84 02 00 telefonora. * Vodafone: deitu 123-za. * Movistar: deitu 609-za.
3. ZALANTZAK: Edukin zalarantzak duzula, jarri gurekin kontaktuan: smsoinu@smsoinu.com / edo deitu **902 01 21 48** telefonora.
4. PERTSONALIZAZIOAK: Zure neurria egin ditzakegu abesti eta logoak. Webgune honetan kaleratu eta erabiltzaileek eskura dezatela nahi baduzu, jarri gurekin harremanetan eta deitu **902 01 21 48** telefonora.

WEBGUNEAN www.smsoinu.com